

ካምፓላ: ኪሊመት ወዘር ዑሰማን ሳልሕ



ወዘር ካርጅየት አሰይድ ዑሰማን ሳልሕ “ግሪ ለተርፍ እግል ኢሊህሌ” እብ ትብል ሰቅራት ዲብ ዮም 21 ወ22 ቅንብር እት ካምፓላ - ኡጋንዳ: እተ ገብእ 3ይ ዋዕላ: ሚርሐት ሐሽም 77 ወቻይነ መብዳእ ኤራትሮፕ ዲብ ብዙሕ ጋራት ለትወድሕ ከሊመት አሰምዑ።

ወዘር ዑሰማን እሊ “ዋዕላ ግብለት” አሰር ዋዕላ ገዘ ለአለበን ድወል ወሕኩመት ምን መጽኢ: ዲብ አደቀቦት ናይ ኣማን መዓወነት ወሽራኩት ለሊህሌ ፈህም እብ ድቀት እግል ለአርኤ ወዘያድ በክት ለክልቅ ክምቱ: ለእዋን ናሱ: አንፋር ድወል አህዳፍ ቦብተ ለለዐንቅፈ ብዙሕ እድንያይ መሻክል በሀለት: ኩብቱ ለአለቡ ሕሩባት: መትባራር ጆግራፍያት: ኢመትሳዋይ ሓለት ጀወ: ገሻላት ወብዕድ ሳድፊን እቱ ለሀለ ወክድ ሰበት ቱ: ለዋዕላ ዲብ አህምየት ለበ መርሐለት ገብእ ክም

ሀለ ሸርሐ: ኤራትሮፕ 30 ሰነት እበ አተላላ ሐርብ ድቁብ እግል ሕርየት ለመጽኢ ደውለት ሰበት ቱ: ደግሸ ሕዳድ: ምን ቃኑን ወዐድል በረ ላቱ መኔዕ መጅልስ አምን መዝመት መጅልስ ቅራን: ወናይ በንበን ምስዳራት ጀዘ እንዴ ትወሰከ እቱ ዲብ ትትሐዘ ደረጀት እግል ትብዳሕ ለአመመቱ ሄራር ቦባት ክም ተዐናቀፈ: ምናተ ዐገል ዐዳለት እጅትማዕየት ወሽራኩት እንዴ ኡተነት: ስታት ስትራተጂ እንዴ ተለመት: እብ ሰሙድ ወመዐጸም ሸበበ እቅትሳይ እግል ተሓዩ: መርበዩ ወአውለውያተ እንዴ ወደሐት ትከደም ክም ህሌት ለሸርሐ ወዘር ዑሰማን: ዲብ መጃላት ዓፍየት: ተዐለም: ሐርቤ: ኪሊሙት ማይ: ጣቀት ወመዋሰላት ለትሰርገለ በራምጅ ወለትሰጀለ ሄራር አብርሀ።

እግል ቦባት ብዝሓት

ድወል እብ ሰበት ቅዋት ሐድ ወአህዳፍ ሰደሰት ለነስአሁ ናይ በንበን ምስዳራት ጀዘ: ክሩዕ ክም ሀለ: እሊ ምሰለ “ ግሪ ለተርፍ እግል ኢሊህሌ” ለትብል ሰቅራት ለኢገይስ ክምቱ ለሐበረ ወዘር ዑሰማን: ህደፍ ናይ ምን ቃኑን በረ ላቱ ላገባኦ ድወል: ዲብ ረአሰለ እሙር እድንያይ ተሐድያት: ዝያድ ተሐድያት ጋብእ ሰበት ሀለ: እሊ ምስዳራት እሊ እግል ልትሸክሸክ ሰበት ወጅብ: መዓወነት ትርድት ናይ ክሎም አንፋር ድወል ክም ተአትሐዘ እንዴ ሸርሐ: ማዘን ወዐዳለት ለአለቡ ደረጃት እድንያይ ማልመ ምራድለ ዲብ ገበይ ቦባት ለሀለ ድወል እበ ለአትምም ሸክል እግል ልትሐደሱ: ለኢገብእ ሰአዮብ ለሊህሌብ ወአርዛቅ ጅወ ለለአትሐውን ፍዓልየት ለአለቡ ገለድ እግል ልትሸክሸክ ክም ወጅብ ሸርሐ።

“ሓድር ተዩልል እድንያይ አዝማት’ ፍንጌ አንፋር ድወል ሐሽም 77 ወቻይነ እተክምሰልሁመ አንፋር ጀምልስ ቅራን እብ ፋይሕ: ናይ ኣማን መዓወነት ወምሰንዮት እግል ተህሌ ለለአትናይት እግል ልግባእ: ወጅብ” ቤለ: ወዘር ዑሰማን: ቦባት ዳይመት እግል ትትአክድ ወለህሌት ኢዐዳለት እግል ልጋብሀ: እብ ፍንቲት አንፋር ድወል ሐሽም 77 ወቻይነ ምስዳራተን ወአርዛቀን እንዴ አትመቃርሐዩ: “ ግሪ ለተርፈ ክም አለቡ እግል ለአክደ አትፋቀደ።

ወዘር ዑሰማን ሳልሕ እት ደንጎቤ: ዲብ ሸብ ፈለሰጢን ወመአሰሳቱ: ገብእ ለሀለ ሐርብ እበ ከሰለ ዲብ ሀበዩ ሸርሐ: እት ሻፍገት እግል ልብጠር ሕቁቅ ወምራድ ሸብ ፈለሰጢን እብ ተማመት እግል ልትሐሽም እንዴ ትላኩ: ሐቅ ሸብ ፈለሰጢን እግል ሕክም-ሃቱ ዲብለ ገብእ ወክድ ዲብ ቤዕ ሸራ ለኢሊኦቱ ወናይ ጠበባት ወቃኑን ክምቱ: ፈለሰጢን ህዩ ክም እስራኤልዩን ወብዕድ ገባይል ዓለምን እብ ሰላም ወረሀየት እግል ልንበር ክም ወጅብ አተበተ።

በዓል ጥምቀት እብ ነያረት ልትዐየድ

በዓል ጥምቀት: ብጹአን ሊቃኔ ጳጳሳት ወጳጳሳት ወካይል መክተብ መንበረ ፓትርያርክ: መስኢሊን ሃገረ ሰብኮት: እዳራት ሰበኻ ገባኤታት ወወካይል አድባራት ክምሰልሁመ ሰብ ሰልጠት ሕኩመት: ዲብሎማሰዩን ወመ-እምኒን ዲብ ሐድረው እቱ: ዮም 20 ቅንብር 2024 ዲብ ክለ ወጠን እብ ነያረት ትዝከረ።

እብ ደረጀት ወጠን ዲብ መዳኑት አስመረ ባኮት ሚዳን ሄለል ሰብተምበር ዲብ ህሌት በሕረ-ጥምቀት ዲብ ገብአት መናሰበት: እብ ማርሐት ዓቃቤ-መንበር ቅዱስ ፓትርያርክ ኦርቶዶክስ ተወህዶ ቤት ክስታን ኤራትሮፕ: ብጹእ አቡኔ ጴዮርስ ወብጹአን ሊቃኔ ጳጳሳት ናይ መክሰቲ ጸሎት ክምሰል ገብአ: ውዳሴ ማርያም ትካፈለ።

ለአተቅደአውን ሹህዳን ሐምዶ ትብእሕ” ለቤለው መምህር ሰማኦን: ሀውየትነ ወውሕደትነ ተአምርተ ፍቲነ ወመቅርሕነ ሰበት ገብአ: ፍዕል ሰኔ እግል ንፍዕል ሐቆለ ትፋነው: ዘመነ ሰላም ወረሀየት እግል ልግበእ እግልነ ተምነው።

ፈር ወንተር መምን አብያት ክስታኖም ዲብ በሕረ-ጥምቀት ልትመየ ታቦታት - ዲብ ዳሌት እሌ አካናት ክምሰል መጽኢ: ሊቃውንቲ መምህራን እብ ሕበር አሸብሸቦም። ደዐ ክምሰል በጽሐት ብጹአን አበው ነሳዬሕ ወባረኮት ክምሰል ሀበው: በሕረ ጥምቀት እብ ማርሐት ዐቃብ መንበረ ቅዱስ ፓትርያርክ ኦርቶዶክስ ተወህዶ ቤት ክስታን ኤራትሮፕ ብጹእ አቡኔ ጴዮርስ ብጹአን ጳጳሳት እብ አርበዕ እንክር ትባረኩ።



ክምሰልሁመ ጸሎት ሰርዓት ቅዳሴ ኪዳን በጽሐት: ሐቆ እሊ: እብ በዐል ተረት ደብረ-ግእዛን መድሀኔ አለም ቤት ክስታን ገዘ-ባንደ በክት ክምሰል ተሀየቤ: ዲብ መክተብ ፓትርያርክ መስኢል ሰብኮት ወንጌል መምህር ሰማኦን በዩኔ: እግል በዓል ጥምቀት መግባቱ ወልእኩቱ ለክሰሰ ምህር ሀበው።

“ወጠኒያይ ወዳኒያይ ዓይድነ እብ ሰላም ወፈርሐት እግል ነዐይድ

ዲብ ደንጎቤ: ማይ ምን በሕረ-ጥምቀት ክምሰል ትዝከረ: ታቦታት ክምሰል መጽኢ ምኑ አድባራት ሐቆለ አቅበለ ናይል በዓል ትማም ገብአ።

እብ ሸብሸቤ: ደዐ: ነሲሐት: ቡራኬ ክምሰልሁመ ሸባብ ደረሰ ሰንበት እበ አቅረበዉ ጥዑም አውታር እንዴ ተለ እግል መደት ሰለሰ ሳዐት ለአተለለ በርናጅ እብ ትልፍዘዮን ወክርን ገበል ኤራትሮፕ መብሸር ትነሸረ።

ጋሽ-በርክ: መጅልስ አቅሊም 21፣ እጅትምዑ ወዳ

መጅልስ አቅሊም ጋሽ-በርክ 21ይ ርቱብ እጅትምዑ ዲብ ዮም 22 ቅንብር ዲብ ባርንቶ ወደ።

ርእሰ መጅልስ አሰይድ ዑሰማን መሐመድ ዐሊ እተ ቀደመዩ ሸሬሕ: መጅልስ እብ ገበይ ዲብ 16 ምዳርየት ለሀለው አንፋሩ: በራምጅ መዳፍዐት ሻምል እግል ልትደቀብ ወምን ሸብ ለመጽኢዩ ሰአላት በሊስ እግል ልርኩብ ክም ከድም እንዴ ሐበረ: ርቱብ

እጅትምዑት መጅልስ ህዩ አንፋር ዲብ ፈዓልየት በራምጅ ለረአው ለሸርሐ እቱ ወጅሃት ተንሬዘየት ሕኩመት ለሰዴ አፍካር ለቀድም እቱ ክምቱ ሸርሐ።

መጅልስ ዲብ ሐልፈ አጅምዓት ለሓለፈዩ ቀራራት ወፊናታት እብ ተማሙ ክም ኢትሸቀ ለሐበረ አሰይድ ዑሰማን: መታብዐት ፈዓልየት ቀደም እለ ለሐልፈ ቀራራት: አደቀቦት ወራታት

ሕፍዘት ማይ ወትርበት: ወአደቃብ በራምጅ መዳፍዐት: ዲብ ሰነት 2024 አውለውየት ለልትሀየብ ስታት ክምቱ እንዴ ሐበረ: መሻረከት ሸብ እግል ልዕቤ አንፋር መጅልስ ጅህድ እግል ሊደው አትፋቀደ።

መሸተርከት እብ ጀሁቶም ዐነድር ርሰሐት መዳኑት አቁርደት ሐል እግል ልትባሰር እግል: መሕገዝ እስብዳልየት ገሉጅ እግል

ልትባሰሕ: መዳፍዐት አንበጠ ዕጩይ ምን ቀዳመ መዳሊት እግል ልግባእ እሊ: መሐገዝ ማይ ሲቶ ደገጊት ሕሰር እግል ልትሀቡ: እዳረት ትራክተራት ሕኩመት ምን ኣዜ እግል ትትሐሰብ: ለልብል ወብዕድ ረአይ ቀደመው።

ሓክም አቅሊም ጋሽ-በርክ ሰፊር መሕመድ ዐሊ ሕሩይ እተ አስምዐዩ ከሊመት ካትመ: አንፋር መጅልስ: ፈዓልየት በራምጅ

ዐማር እብ ዓመት: እብ መጅልስ ለልሐልፍ ቀራራት ወፊናታት ህዩ መታብዐት እግል ትግበእ እቱ: ለልትርኤ ነዋቅስ እግል ልርተዕ ወሐብሬ ሐዳስ ዲብ ከሰለን ጅሃት እግል ልሓልፎ እት ልትፋኔ: አፍረዮት ለለዐናቅፍ ዝህራት እግል ልትሸክሸክ: መሻረከት ማዕየ ዲብ ልትኡተን በራምጅ እግል ትደቀብ ዶር አንፋር መጅልስ እግል ሊዘድ አተንበሀ።

ወዘር ዑሰማን፡ እት ወዕለ ሚርሐት ሐረከት ገዘ ለአለቡን ድወል ወሕኩማት ከሊመት አስመዕ



ወዘር ካርጅየት አሰይድ እት ገብእ 19ይ ወዕለ ሚርሐት ዑሰማን ሳልሕ፡ እት የም 19 ወ20 ጃንዋሪ እት ካምፓላ - ኡጋንዳ ሐረከት ገዘ ለአለቡ ድወል ወሕኩማት ከሊመት አስመዕ።

አትሐዘኖት ናይሊ “አደቃብ መትሰዳዳይ -እግል ናይ ሕበር እድንያይ ተጠውር!” እብ ልብል ሸዓር ለሸርሐ ወዘር ዑሰማን፡ እትላ እንሳንደት እት ለትኬለመ ተዋልል ሕግላን ሰላም ወአምን፡ ክምሰልሁመ እት ለሀገጌ ገይሰ ለሀሊ አዝማት እትትሳድ ወድዋር ተሓልፍ እቲ ለሀሌት ወክድ ሰዱድ፡ ናይ አማን መትዓዋን ወገለድ ሐዲስ ሰኒ ክም ቱ አክድ።

እት ግብለታይ እንክር ዐለምን፡ እት ቀበት ድወል ወመዐደይ ሕዳድ ለገብእ ሐርብ እብ ሰለሕ፡ ጂኦሲያሲያይ መትዓካራር፡ ኢመትሳዋይ እትትሳድ፡ ተእሲር መትዓዳል ሓለት ጀው ክቡድ - እግል እንዴ ትረሰዐ አረይ ተሀሚሽ ጋብእ ለሀሊ ሚልዮናት ገባይል፡ እት ርኡይ ለኢለአምር መሻክል ኩሩዩ ክም ሀሊ፡ ለዐበ ሰብብ ናይ እሊ ሀቡሉክ አዝማት ሀይ፡ “እት ቃን ለትገደቀ እድንያይ ግዛም” እብ ልብል ሕሳል ለልትመረከ ግዛም ሀገግ እድንያይ ዐነዲ እዳረት ክም ቱ አብረሀ።

እሊ ልሰዕ ሰብብ ፈንጨጋር፡ ሀመሻት መጅተመዕ፡ ዘሚት አርዛቅ፡ ክምሰልሁመ ኪደት መዋቅፍ እድንያይ ቃን ሚሳቅ

መዝመት መጅልስ ቅራን ጋብእ ክም ሀሊ ሀይ አፍሀመ።

“ለሀሊ መአሰሳት ማል እዲ፡ ተአምርተ ናይለ ዐድል ወመትባራክ ለአለቡ እድንያይ ግዛም ቱ” ለቤለ ወዘር ዑሰማን፡ እግል እድንያይ እትትሳድ ወአርዛቅ እንዴ አንተሀዘ ለዘምት ወሕግላን ድወል ለኬልም ክም ቱ፡ 60 ምእታይት ምን አርዛቅ ዐለምን ለትመልክ ቃረት አፍራቀ፡ እግል ‘ሐዳት-ዋውራት’ ለልትበሀሊ ድወል ዓማት ረኪሰ ለኢትሰነዐ አሸየእ ዋራይ እንዴ ገአት፡ እግል ዕጹፋት ዐውል ለወሰከ ፈርያት ስናዐተን እብ ዐውል ቃሊ ትትዛበዩ ክም ሀሊ፡ እሊ ሀይ እግል በዝሐዩ ድወል አፍራቀ እት ሕዳን ብዳዐት ወሕግላን ሻመን ክም ሀሊ፡ አምሳል እት ለሀይብ ፈሰረዩ።

ወዘር ዑሰማን፡ ኤረትትዩ ምን እሊ ዐድል ለአለቡ መካይድ፡ ሸንኩይ እድንያይ ግዛም ወለዜምታይ አሮ ቅዋቡ ሄራር ክም ኢንግራት እት ሸራሕ፡ ለበዝሐ ድወል አፍራቀ፡ “ሕርየተን” እተ ረክበ እቲ ለዐለዩ አውካድ፡ እብ ሰብብለ ጊጊት ወመብቅያይት- መዝብያይት ስያሰት አሚርኩ፡ ሸዐብ ኤረትርዩ እብ ሚረፍ ሐን መዝም እሰትዕማር እምብራጦርየት አተብዩ

እግል ልእቲ ክም ትፈረድ፡ ሐቀ ዐሰርታት ሰኒታት ለእብ ዐውል ቃሊ ለረክበዩ ሕርየቲመ ምን ገብእ፡ ልሰዕ አረይ ናይ እሊ ስያሰት ጭዊት ጋብአት ክም ሀሊ፡ ኤረትርዩ ወሸዐብ እግል ዐሰር ሰነት ሀድፍ ናይለ ሰብብ ለአለቡ መኔዕ መጅልስ አምን ጋብአም ክም ሀሊው፡ ክምሰልሁመ ቃን ለከይድ ናይ ዓረዮት መኔዕ አሚርክ ወእትሓድ አሮበ እት ረአሶም ክሩይ ክም ሀሊ ሸርሐ።

እሊ ምን ቃን በረ ላቲ ምስዳራት፡ እግል ሚሳቅ መዝመት ቅራን ወመብደእ እድንያይ ቃን ለደግሸ ሰብብ ቱ፡ ሐረከት ገዘ ለአለቡን ድወል እግል ትትቃወሙ ወትሸጠቡ ክም ወጅብ አክድ።

እት ደንጎቤ ክለን አንፋር ሐረከት ገዘ ለአለቡ ድወል፡ አርዛቅን እብ ተማሙ እንዴ አትሐሰሰዩ፡ መሳዋት ለቡ ወለልአሻርክ እድንያይ ግዛም እት ፍዕል እግል ለአውዕለ እግል ልሸቀዩ፡ ክምሰልሁመ ዲበ ቁመዩ እሊ አህዳፍ ዐዳለት፡ ሕሸመት ስያደት፡ ውሕደት አውጣን ወሕርየት ስያሰት ናይ ኩለን ድወል ወገባይለን እግል ልብጠረ ትፋን።

ምግብ ፡ ወራታት ማሕበር አዋልድ አንሳት መቃበለት ትገብእ

ፈርዕ ማሕበር ወጠኒ አዋልድ አንሳት ኤረትርዩ አቅሊም ምግብ፡ ዲብ ሰነት 2023 ለለአትናይት ሄራር ክም ሰጀሉ፡ ወወራታት አደቀቡት መትዛም ወመቅደረት እትላ ሰነት እሊ ክም ልተላሌ ሸርሐ።

ሻባት ሀይ እብ ፍንቲት እንዴ ረከዘ እብ ገብእ ናይ ዝዞምት ወራታት፡ ሻባት ምን ዕድወየት ወኪን እብ ምልክየት ወመሰኡልየት እንዴ ሸዐረዩ እግል ልሸቀዩ ቃድራት ክም ሀሊዩ አክድ።

ለተሐረየ ሻባት ክምተን እንዴ ሸርሐት፡ እሊ ፍገራት ናይለ ገብእ ጅሀድ ክምቱ ሐበረት።

መሰኡለትላ ፈርዕ አሰይደ አለም በላይ ምስል ኤሪን እተ ወዴተ መቃበለት፡ ዲብ አዋልድ አንሳት እብ ዓመት፡ ዲብ ሸቃለ

እት 13 ምዴርየት አሰረመው ወሰለሰ ምዴርየት ብሩር፡ አንሳት እብ ደረጃት ውዛረት፡ ፈደራሽናት ወልጃን እንዴ ትዝመዩ ዲበ ወደያሁ ሕርያን፡ ለበዝሐዩ

ዶር ወመሻረከት አንሳት ዲብ ኪወ ዐማር እብ ዓመት፡ ሕፍዘት ማይ፡ ትርበት ወሸትል ሀይ እብ ፍንቲት ዐቢ ክምቱ ለሐበረት አሰይደ አለም፡ ዲብ ምዴርየት ጋላ-ነፍሐ ለሀሊዩ 20 መሰል ሰኔት ላተን መግምለት ዕጩይ፡ እግል ጀርቤ ክል ምን ከክልልት ቀፎ ገህብ ክም ትሀየቡ፡ እብ ወደያሁ ካድም ሀይ አሰክ 150 ኩንታል መዐር እግል ልርከበ ክም ቀድረዩ አትአመረት።

ዐንሰብ፡ ውዛረት ዐመል ወራዐዮት እጅትማዕየት ሸቅለ ትጌምም

ፈርዕ ውዛረት ዐመል ወመንገፎ እጅትማዕየት አቅሊም ዐንሰብ ዲብ የም 19 ጃንዋሪ ዲበ ወደዩ ጌማም፡ እት አክዶት ሕቁቅ አጀኒት ወሸኩት ዐዋዲ ድንጉር ጅሀድ ክም ለአትሐዜ ትሸርሐ።

ትሰርገሉ፡ ዲብ ገምዴርየት እተ ሀሊዩ 410 መአሰሰት አሸቃል መራቀብት ክም ገብእ በርሀ።

መሰኡል ፈርዕ አሰይድ መሐመድ ጃብር፡ ኩሉ ጀዋንብ እንዴ ፈተሸከ እግል ሸቅል ሐዲስ እብ ንየት ሐዳስ መትበጋሰ፡ ዲብ አድምዖት ለልሰርገል ሸቅል ምህም ክምቱ፡ እንዴ ሐበረ፡ እትላ ብይእት ለሀሌት ሰነት ሸቅል፡ አንፋር እግል ሐሰት ፍገራት እግል ልትክድሞ አትፋቀድ።

እት ውዛረት ዐመል ወመንገፎ እጅትማዕየት ሙዲር ዓም ቅስም እዳረት ወማልየት አሰይድ እምሃ ኪዳን፡ ዲበ ቀደመዩ ከሊመት፡ ዝዞምት ተእሂል ምህናት ወሰዳይት ወአትሐደርት ግድዓም እብ ትውቀለት እግል ልተላሌ ስታት ክም ሀሊ እንዴ ሐበረ፡ መዓወነት ለሰርገላሁ ጅሃት እግል ቲዚድ ትላከ።

እተ ትቀደመ ተቃርር፡ ዲብ ሰነት 2023 እግል ሕክምን ወደፍየት ለልትራዐው ምስኩናም ሐርብ፡ ለልዕሰል ዝያድ 5 ሚልዮን ነቅፈ፡ ሐድ 24 ሚልዮን ነቅፈ ሰዳይት ዓይላት ሹሀደ ክም ትደፍዐ ተሐበረ።

እት እዳረት አቅሊም ዐንሰብ ሙዲር ዓም ቅስም ከደማት እጅትማዕየት

እግል መርዒት ዓይላት ግድዓት እብ ገብአት ድራሰት፡ ዲብ 6ምዴርያት ለትሌለዩ እብ ንዋይ ለሐድረዩ፡ ዲብ ምዴርየት ሐጋት፡ ሐመልማሉ፡ ወዐድተክሌዛን ሀይ ሸቃለ ሕክመት ለአፍገረው 45 አልፍ ነቅፈ እግል 9 ዓይለት ክም ትሀየብ ተአመረ።

ኮሎኔል ተሰፋጽዮን ግርማይ እብ ጀሀቲ፡ ዐዋዲ ዳራይ እግል ልትሸክክ ገብእ ለሀሊ ጅሀድ እንዴ ሐመድ፡ ምስል ሰብሸርክ ለሀሌት ዕላቀት እንዴ አተርድከ ለልትርኤ ዛህራት እግል ልትራቀብ፡ እብ ፈዛዐት ከዲም ክም ለአትሐዜ አትፋቀድ።

እብ ውሕደት ሸቅል እተ ትቀደመ ተቃርር፡ ዲብ ከደማት ሸቅል ዕላቃት ሸቅል፡ ለልትሐመድ ወራታት ክም

መሸተርከት እብ ጀሀቲም፡ እግል ዓይላት ሹሀደ ለትትሀየብ ሰዳይት ተሰፍየት እግል ትግባእ እተ፡ ሰለፍየት ዲብ ወክደ ለተአቀብል እብ ገበይ እግል ትትባሰር፡ ድውላለት ለትራዐው ምስኩናም እብ ገበይ ሰኔት ትጸበዋ ለልብል ረኡይ ቀደመው።

ኤደተርዮጵዳሽ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተየት
* ዘሀረ ዐሊ
* ፋዋን አድም

ተለፎን፡ 121797/07121322
ፋክሰ፡ 127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

ለአሰበረ ወለሐመደ እት ጀነት

አርጌት ብእሰ ምን ልቡ ብእሰ ክምሰል ህለ ሰበት አመረት፡ ደናበተ ሓምለት እት እንተ እንዴ ሐርጠተ አሰክ ቤተ ቀንጾት ምናም፡ ዐሊ ዳክለ ሓላት ዐድ ሰፋፍ ወመቅረሐም እብ ሐቲ አርሐመቲ ወእበ ካልእ ህዩ ህቲመ ሰኒ ሐርቀ፡ ሽዑሩ እንዴ ሐብዐ ህዩ፡ ትም ሌጣ ቤላ ሕም እንዴ ኢላኦፊግር አሰክ ቤቲ ትወክለ ምናም፡

ሕድት መሳፈት ክምሰል ሄረረ ገዱ ሐር እንዴ ትወለበ ሓሰበ ለዐለ እግል ሰፋፍ እግል ለእፍህመ፡ “ግድም ረቢ ሰብ ፈጅር ሊዴኑ፡ ሳምሐኒ ምሰል ዐዛብከ ወትዐብከ እብ ዞዕ ወጽራር ጸንሐናከ ረቢ ወዴን እተ ለሓላት እሌ፡ አዜ ህዩ ፈጅር እመጸአክም” ቤላ ከአሰክ ቤቲ ጌሰ ምናም፡

ላሊ እለ ምሱት እለ ክምሰለ ሐልፊዩ ላሊት እግል ኮን ዶረ እንዴ ሀብቲ ክባባይ ገብአት፡ ጽብሕ ምድር በሽፍሩ እግል ሸርቀት እሰባከ ወደ፡ እለ ላሊ እለ አብ ሰልመ ሰፋፍ ክምሰል በዲሩ እምበለ እት ጸባብሕ ሰክበዩ ቀመት ተዐብ ወፈተር፡ ሐቆህ ሰፍሩ ሰፍሩ እንዴ ኢላኦፊግር ለምዳይ ያፈራጅ ቤላ፡

ሓላት ዐሊ ዳክላም ምን ሓላት አብ ሰልመ ሰፋፍ ለትትፈንቲ ይዐለት፡ እበ እግል እሊቲ እሰምዕቲ ለዐለት አርጌት በእሰ ዐደዮ ወሄረራብ ልግበእ፡ ወለ ሐራ እብ ክልኤ እዘኑ ለፈረቀቲ ቲ አከይ በህል እት ምትክራሩ ክልሕም ልብል ትመዩ፡

ዐሊ ዳክለ ሸርቀት አሰባከ ክልኦት ነፈር ምን ግዋሬህ እንዴ ነሰኦ ምሱት ክማም ገብእ እቶም፡ ዐድ ሰፋፍመ አመት ምጸአቶም አምራም ሰበት ዐለው፡ አብ ሰልመ ፍካክ እንዴ ትዳለ ጸንሐዮም፡ ህቲመ ወእሊቲ ክምሰል ሰብ መቅሬሕ ተአኬ ትሰኔ ኢትበህለው፡ ምን አድሕድ ቁጽባም እት እንቶም ትመዩው፡

ሼክዮት ወምልሂቲ “ሰኒ ሙያም” ሐቆለ ቤለው፡ እተ እግል ከብቲህም ዱሉይ ለዐለ ነጸጽፍ መጋሊቶም አጣፍሐው፡ ክምሰል እግል ክል ጋሽይ ወበዐል ቀርድ ለትገብእ ረኒሰ ምን ቡን ዐለው እግሎም፡

ዐሊ ዳክለ ሐቆ ረኒሰ ቡን ሰተ እግል ህግዩ አንገሳገሎ፡ እንዴ አትለ ህዩ፡ ምን ሸሩረ ወበህለ፡ ለአንግሬኒ ወለአንግሬኩም ሓይላም መቅርሐም ወሰብአም፡ ግድም ለማሌ ማጽአም እግሎ ለዐልነ ጋርነ እቲ ንእቲ፡ እዲነ በዲረ ዐገብ ወአትዐገቡት ቲ፡ ምር ለአክዩ ወምሮት ለአሰንዩ፡ ከለጥ ህዩ ምሰል ወድ ሚን አደሚ ክሉቅ ቲ፡ ከለጥ ምንዲ ኢለዐሌ እት ረኒሰ ቀለም ረሳሲ፡ መሳላት ወኢትሸቆት ቶም ልብሎ ውላድ አዜ፡ ወከለጥ ምንዲ ኢልዐሌ፡ ሰይድነ አድም ዐለይሁ ወሰላም እብ ሸጣን አብሊሰ እንዴ ትቀሸሸ ምን ጀነት ወኢፈግረ፡ ከአዜ በደል ክሉቃም እተ ዐልነ፡ አዜ እብ ጸገምነ ወወቀይነ ገብእ እታይ ጀነት፡ ረቢ ልክተብ እተ እግልነ ወእግል ክሉ ዌድያይ ሰኔት ወሳልሕ ዐመሉ ቲ፡ ለኢትገብእ ወኢጸንሐት ላተ ለምን ከጣነ ኢደሪሰ ወኢፍህም ቲ፡ እንዴ ቤላ ከእግል ምብላሶም ልሰመዕ አሰክለ ምሱት ዕጉላም ለዐለው ለክልኦት ምሱት ማጸም ለዐለው መደክለት

ወአብ ሰልመ ሰፋፍ አትቃመተ፡

ዐሊ ዳክለ ምሮት ጋር ሰኒ ሰኩብ ካልኡ ትመዩ፡ ህቲ ህዩ በህል አብ ሰልመ ሰፋፍ ቲ፡ “ዮም እለ ላሊ አፋኪ እንዴ አዘምኪ ቤትኪ ዩኦቲኪ ምንዲ ገብእ፡ አነ ወእንቲ እብ ረቢኪ ምንዲ ተአምኒ ሰብ ክልኦት ሸፍር እግል ንግበእቲ” ሰፋፍ እግል እሊቲ ብህለ ሰበት ዐሊ፡ እብ አሰባቦም ዐድ ሰፋፍ ፈንጨጋር እግል ኢልግበእ እቶም ፈርህ፡ ክእባቲ ህቲመ “ገገ መፍብርናቲ ወወሳውስ አብሊሰ ኢንትብዐ፡ እበ ምን ግዋሬ ወንኡሽ ለጀሬ ገገ ህዩ ምሰል ጸዋነ ኢንትፈናቲ፡ ላመ ሐነ ወለ ቀሪም እግል ቀሪመ መቅጠን ወደ ምንዲ ገብእ፡ ዝያደት አሕድ ረክብ ወአሕድ ከሰብ፡ አቤ! በህልዬ ፍህማሙ ትገብእ” እት ልብል ለአትመሳምሰ እግሎም ዐሊ፡

ለክልኦት ሰብለ ምግብ ፍንገለ ክልኦት ቀሪም ናዮምተ እግል ልብሊሰ ምሰል ደሚርም አፍካርም ጀምሶ ዐለው፡ አሰክ ህቶም በልሶ ህዩ፡

ነሀብ፡ በዲርመ ንኡሽ ወእሊት እግል ዐቢ ወበዐል ዐድ ለአኩ፡ አዜ እብ ሐጫር ህግዩ ህግያክ ምቀደም እሎም ሓይላም ግበእክ ሸረሕ እግልነ” ቤላ፡ ከአሰኩም አሸረዩ ክልኤ ዕንቲ ምን አሰኩ ገንሕ ለዐለ ደብር አሰኩም እት ገንሕ እበን፡

ምነ መደክለት አብ ሰተል ሰሌማን እንዴ ቀንጾ፡ “እሰልፍ ነቢ ልሕደረነ ወመቅርሕነ ደሐን ወሰላም ሊደዩ እግልነ፡ ሐራ አዐዙ ብላሂ ምን ነፍሰ ወወሳዊሰ ሼጣን፡ እምበል በል ወትበህል ሐቲ ሰኔት ኢመክር፡ እሊቲ እለ ዐድ ምን ማሌ ህር ውብር እት ልትበህል ምን ረሐመት አሕድ ትበተክ፡ ለመክሩህ ለዐደ ረቢ ወኡም ህዩ፡ ህቲ ትሸዩ እቲ ከፈቶህ እንዴ ረክብ እት ምግብነ ሓድር ህለ እት መሐበርነ ኢልሕደር፡ ሕነ ለዐባዩ ህዩ አክለ ንኡሽ አሕድ ዳርከ ወዋለመ አሰርም ኢንግበእ፡ ነአይሽ ምን አበን ጀደን ልትበአሶ ወልትግረው፡ አዜ ነቢ ረአው ሌሂ ወድ አብ ሰልመ ሰፋፍ

ወትሰልም፡ አዜ እግል ሕክመክም ቲ ወምን አሕድ እግል አትራትዐክም፡ ልብ እንዴ ከሬክም አተንሰኒ፡ እሰልፍ እለ ክሉ ልትበህል ለአሰብሐ ግምሽ ኢኮን በህል ላባም ወዕጉላም እንሰምዕ ለዐልነ፡ አነ አዜ ሐር እንዴ አቅበልኮ ይእዳግመ፡ እግል ሚ ምንዲ ትብሎ፡ ሰኔት ወዕግል ኖሰ ሰኔት ወዕግል ቲ፡ እግል በህሎም እግል ዩአንቅሰ ምን ወዩአሸልሐ ሰበት ፈርህነቲ፡ ለፍርጃ ህዩ ጼወ አብዬ አብ ሰልመ ሰፋፍ ዐገብው፡ ለዐገብ ህዩ ዐገቡ ሐቲ በዐል ሸፍሩ ረፍዐ እግሎ ወካልእ ዐገቡ ለትዐገብ መቅጠን ወዴ እግሎ፡ ሰኔት እግል ሐ ወፈታይ ረቢ ፈትዩ ወአዳም ለሐዘዩ፡ ላመ ትዐገብ ወትበህለ እግል ልርፍዐ ህሌት እግሎ፡ አደብ ጥን ቲ ወምክር ዐዛብ ልብሎ ሰብ ዐገል ወልባብ፡ አዜ ምን ጀዐ... ጀምዐት ምብላሰ ሰኔት ኢንጸበር” አይወ!” ቤላ ሰዲዳይ ሸገራይ ከክምሰለ ነፈር ለእትሰሩቅ ሰረፍረፍ እት ወዴ፡ መባልሰ ህጋሁ ምን ዐግል እት ፈርተታህ ጌሰ

ምን ረሀዩት ዮም ወፈንጎሕ ትሐረም በርከት አነቢ ለቃለ፡ ላመ አንሰክም ወውላድክም ልብለኒቲ ለህለ ክምእኒ መሰል እምበል ሚ ኢኮን? አቤ! ሐምቃም ወሸልሓም፡ ሐምቀት ወካኮት አንሰ ጸርክም እቲ ምንዲ ኢትጸንሑ፡ አክልአይ ሸንርብ ጸርክም እግል ትሰፈፎ ወጭዊት ጸርክም እግል ትዐግሎ” ክም ትቤ አርጌት፡ እብ ሐርቀት ወዲደት ዕዘዘት እንዴ ሐንቀተ፡ አንፈ ወአፋህ ምሰል አጀብብ ከዐ፡

አርጌት ክልኦት እማቶም አሕድ ለኢላቅሰ ጠቢዐት ወአደብ ዐለ እግሎ፡ ልብ ጌንሓዩ ለሰልብ ግርመት ወሰዩሰ መካልቅ እት ለህሌ እግሎ፡ ሰሎጥ ንሳል ወመትብእሳይ አደብመ ዐለ እግሎ፡ እሰን ክልኤ ምን አሕድ ለትራዮመዩ ድድ አሕድ ላተን ክለን እት አርጌት እንዴ ትጀመዐዩ፡ እንዴ አተሐደዩ በደለ ግሩም መባትክ ወሰዩሰ በሸረ፡ አደብ ሕሙድ በደል ክልቀ እግሎ፡ ለእኩይ አደብ ቀልበ፡

መአበይ መፈተይ ሰበት ኢኮን፡ እብሊ ሰብ እለ ክሉ ለሰብለ ሸኪክ እብ ጀዐተተት ትትከኔ ወትትአመር፡ ጀዐተተት እት ልብል ለሰምዐቲ ህዩ ያወይሉ፡ ክምሰል ህተ ትብለ በዐስ ተአርእዩ ዐለት፡ እለ ክኖየት እለ ህዩ ምሰል ቅሩብ ወረደም እት ሐርብ ኣቲተ፡ ውላደ ሰነኖም በደል ውላድ አብዬ ሰፋፍ ልብሎም፡ እብ ውላድ ጀዐተተት ሰምዎም ዐለው፡ ህታመ ክምሰል እለ ትበህልነ ቤለው ምን ገቢእ፡ ብላዩ እንዴ ገሌት ወሸንብርኪት እሰኔ ክል ዶልውጭልት ወሰድት ሰበት ገብአት እት ትሰኔ ተለው ትብል እቶም፡ ላመ ሰብብ ክሉ እለ በእሰ ትገብእ ትወደዩ ለዐለት እለ ዒረት እላተ፡

ሰዲዳይመ እግል ክልኤ ግዋሬ ለአትግራ ወልደክል ማጽእ ምንመ ዐሊ፡ እብ አሰባብ ስሕታን ንሳሉ እግል ኖሱ እግል ለኢረዴ ምን ዕዩር ወመራግም ሰምዐ፡ “መትዐንቃፍ ንሳል ለአኬ ምን መትዐንቃፍ እግር” ቶም ልብሎ ሰብ መባልሰ ዕጉል፡ እግርክ ትዐንቀፈ ምንዲ ገብእ እዴክ ለነሰኦ እግልክ ኢትሐግል፡ ንሳልክ ሰሐተ እግልክ ምን ገብእ ላቲ፡ ለትበለሰት ዘዐት ሰበት ኢተአቀብል ድንጉጽ እት እንተ እብ ምብላሰክ ተአተሰርቅ ወትከጅል፡ ሰዲዳይመ በደል እግሎም እግል ለአትግራ ለመሕበረ፡ እግል ኖሱ ለአትአግርዩ እት ለሐዜ ድንጉጽ እት እንቲ ቅንጾት ሴርቃይ ቀንጾ ምን ለመሐበር፡

ላመ ምሰል ሰዲዳይ እንዴ ትዐገለው ከዐግል መባልሱ ሰምዶ ለዐለው ሰለሰ ነፈር ክምሰለ መረዊ ጋብእ እቶም ለህለ ትትውው ዋድያም እት እንቶም ግረርም ጸብጠው፡ ሰልሲቶም ህዩ፡ እብ አተሰረቀት ሰዲዳይ ከጅለው ወሐርቀው፡ “ምንኮር! እለ ግድም ርእት ኢኮን ወሰምዕት፡ “አፍ ለአዘም ጭንጫይ ኢላኦቲ እቲ” ልብሎ ሰብ መሰል፡ እት ልብሎ ትሰመዐው እብ ሕበር እግል ሰዲዳይ እት ለአትዐግሎ፡ ሐቆ እለ ዘዐት ለአርጌት ምን ቤተ አፍገረት፡ ለሰለዮት ሃይብ ለዐለ መሐበር ደኪላት እምበል ፍሬ ትፍንጠረው መደክለቲ፡



ሰብር እንዴ ደቅበው ልትጸቦርም ዐለው፡ አብ ሰልመ ሰፋፍ እግል እተ ምቀደም እተ ረሃበተ ደብር ለታኪ ፋግረት ለዐለት ሸርቀት አሰባከ አሰክ እት ለአትቃምት ምናም፡ እንዴ አትለ ህዩ፡ እብ ክእኒ በልሰ እቶም፡

“አሕሕ” እንዴ ቤላ ክርንቲ ሐቆለ ሰሐሲ፡ “አይወ! እሰልፍ እት አነቢ ንሰሌ!” ወሐራ ህዩ፡ ለኢትገብእ ወለ ኢትበህለ ላቲ ክምሰል ኢመጽእ ወትበህልኮ ኢልብል አናመ ይቁን ምን አነ፡ በህል ህዩ ቤዝክ ልግበእ ንሳልነ ዐደናቲ፡ ሰገ እት እንቲ ዐጭም ሰብር፡ ወክትፈት እት እንቲ፡ ግርምነ ለአከፍእ ወሰኔትነ በልል፡ ከእግል ሕሽምነ ምን ሕሽመቲ ለአንቅሱ፡ ክምሰል እተ መሰል ለትትበህል፡ መዐይራይ መገራማይ ኢኮን፡ በህል ሰድቅ ቲ፡ አቤ! ክምሰለ ለህ እት ትብል ለህ በል ልቡላተ፡ አዜመ እሊትክ ብህልት ምንዲ ኢትገብእ ወህታመ ውላደ ብህል እግል ምንዲ ኢገብእ፡ እም ሰልማመ ቶቤኮ እንዴ ትቀደረት ወኢጌሰተ ወእቤ ረቢ ሸር ሐሰተ ልክለኢ እንዴ ኢኮን፡ አዜ ክምሰለ አብ ሓምድ ዐሊ ዳክለ አሰለፈዩ ለሰበበ ብአሶም ምን ሸርንብ ደሐን ገብእ ምንዲ ገብእ፡ ሸንርብ በህል እግል ነአርትዑ ወፍርድነ እግል

ኢኮን፡ ለምሰል ውላድ ዐሊ ዳክለ ልተልሂ ለህለ? ቤላዮም፡ ከአሰክለ እተ ቀዕረትለ ሸፍር ልተልህው ለዐለው አጀኒት አትወለበዮም፡

ላመ ክልላም ለዐለው መደክለት መሐበር እበ አብ ሰተል ሰሌማን ቤልዮምተ፡ አሰክለ አጀኒት ለእተ ቅዕረት ልተልህው ለዐለው አትቃመተው፡ ክምሰል በህሉ ህዩ ናሶም ለሰበበ በአሰለ እማቶም ጋብኤም ለዐለው አጀኒት እት እንቶም አቅመተም፡ “አላ! ቀል ሰድቅተ እለ ሰኒ ህቶም ኢኮን ገብእ”? የሀው ነቢ ረአው አዜ ሸህዶ እተ እለ አዜ፡ ህም አለቡ ህም አለቡ ቲ ሌጣ፡ እብ አሰባብ ናይ ንኡሽ እት ርሐ ዝንብ ለአክበደ እተ ኖሱ ለአመረ፡ ክልኦት ጼወ እሎም ቶም ምን ማሌ ምን ማይ አሕድ ትሐረመው ወህቶም እሎም ቶም ምሰል ልተልህው ወትሰሐቆ ህለው፡ ወሀ ጀለ! በለ ከህቲመ ሚ ዐለት ወሚ ትበህለት እንዴ ኢልብል እት ምቀደም ክልኤ ዕንቲ ለዐለ እተ ሀድጎ፡

ተረቲ ልትጸበር ለዐለ ሰዲዳይ ሸገራይ እንዴ ቀንጾ፡ “አነ ላተ ግድም አሰር አምር ወዕጉል ትበልሰ ህሌክ ምንዲ ገብእ ምን ጌገ ትድሕን

እበ፡ አመት አለበ አርጌት ፍግረት ተአደንግጽ እበ መሽ ትቤ እቶም ምን ቤተ፡ ለግሩም መካልቀ ወሰኒ መባትክ እብ ሐርቀት ጽልመት እንዴ ትከደነተ ዶል አብሀዘት እቶም፡ ለበልሰ ዐለ ሰዲዳይ ልግበእ ወለ ሰምዶ ለዐለው መሐበር ዐግሎ፡ ቀበሊት ግረርም ጸብጣም እት እንቶም አድአመመው፡ አርጌት ምን ምልሽተ እንዴ ረፍዐት፡ “አዩ ደቦ ቲ እለ! ሰሚትክም ትትቀየር ቅዩራም፡ አነ ሰሚቼ እግል ለአምረ ወለ ኢለአምረ አርጌት ወለት ሓምድ እትበህል፡ ጋድኦት ወዕዩር ህዩ ምሰልዬ ኢገይሱ፡ አዜ እለ ወድ ሸገራይ ሰምዐኩም ገብእ ልጅግለ ቤላ? ላመ አነ እብለ ወእተ እትሐሚ ህሌኮ እምበል እለ ጋድኦት እለ መሰል ቲ፡ የሀው ነቢ ረአው፡ አማን ለበልሰ ህለ እትክም ምንዲ ገብእ ሰምዐኩም ገብእ? ረቢ ቀርብ ወሕፍረት ትጨብብ ላመ በዐል ምግብቲ ወመደክላይ ልልትበህል፡ ለእግል ቤላ እብ እዘንክም ሰምዐኩም፡ አቤ! አዜ እብዬ እግል ልተልሂ ምን ጀዐታት እት ጀምዐት አቅበል እግልዬ፡ እግልኮቲ እንተ በዐል አከደድሰ ወድ ሸገራይ! ሰሚቼ ኢተአምረ አርጌት ክምሰል እትበህል?



እብ ዶ/ር አሕመድ ሐሰን ደካሊ

መጅልስ አምን ወለዛልም ቀራራቱ ድድ ኤረትርያ (1ይ ክፋል)

ዐቢ ትልህ ስያሴት ሳብዓይት ምዕራፍ መጅልስ አምን መጅልስ አምን ድድ ኤረትርያ ለሐላፊዬ ቀራር ዕልብ 1907

ኸልፍዮቱ፡ መገባባጥ፡ ጽባብ፡ መታክሎ ወቅሪናህ ሰብብ ሐላፊት ወረፊዕ እሊ ክታብ እሊ፡ እግል ጀግን ሕርዮት ወሰደደት ወጠን ለአስተሳሰብ ወሰደደኡ ስብሰባ ኤረትርያ ገዝረት ትግበላ እግል፡፡ ዐውል ዝቤህ ህዩ እግል ረሸዶት ሰንዳቅ አማካኝ ስብሰባ እግል ልውዕል ቲ።

ሐምዲ

ሱሕዕ ዑቅባሰላሴ መሓሪ (ወዲ ቀሺ) እግል ክታብዩ ዲብ ትግርኛ እንዴ ተርጀመ፡ ኬትባይ ሰለሙን ድራር ህዩ እግል ለአትሳንዩ ወለርትዑ ምን ቀድራ፡ ክምሰልሁሙ ሐዋትን ለምለም ሀይሌገርግሽ ወኤደን ፍሰሃዬ እብ ኮምፕዩተር እንዴ ክትባይ ዲብ ቁርኣይ ክምሰል ቀርብ ምን ወደዮ፡ እግል ክሎም ሐምዲህ አቅረብ እቶም።

መእተዮ

እድንደይ መጅልስ አምን፡ ዲብ ዮም 23 ዲሰምበር 2009 እብ ዕልብ 1907 ለልትአመር፡ ዲብ ዮም 5 ዲሰምበር 2011 እብ ዕልብ 2023 ለልትአመር፡ ዲብ ዮም 24 ጁላይ 2013 ህዩ እብ ዕልብ 2111 ለልትአመር ዛልም ወኤደድል ቀራራት ድድ ኤረትርያ ክም ሐላፊ ልትአመር፡ መገባባጥ ናይሊ ሓርዮም ክልኡት ቀራራት፡ ለእብ ዕልብ 1907 ለልትአመር ቀራር ሰበት ገብአ ህዩ፡ ናይ በሐሰ ክቲብዬ ዲብ ለተንክብ እግል ልግበእ ቲ።

እድንደይ መጅልስ አምን ዲብ ዮም 23 ዲሰምበር 2009 ዲብ ወደዩ ዕልብ 6254 ጀልሰት፡ እግል ምዕራፍ 7 እብ አሳሰ ሚሳቅ መዝመት ምጅልስ ቅራን፡ ድድ ኤረትርያ ደሊል ሳብት ለአለቡ ዛልም ወኤደድል ቀራር ሐላፊ፡፡ እሊ ቀራር እሊ እግል ልትቀረር ለአቅረቡ አሰባብ፡ “ደውለት ኤረትርያ እግል ሙሰልሒን ሐረከት ሶማል፡ ስያሰይ፡ ማልያይ ወሎጂሰቲክያይ ሰዳይት ተህይብ ህሌት፡፡ እግል መትዐደዩት ሕኩመት ፈደራልዮት ሶማል ይአዕተረፈት እበ፡፡ ቅዋተ ምን ምሰል ጅቡቲ ለላትሓድደ ድዋራት እብ ፍንቲይ ህዩ ምን ራሰ ዱሚረ ወጀኢረት ዱሚረ ኢሰሐብት” ለልብል ቲ ለዐለ፡፡ ለእብ መጅልስ አምን ረአሰ ኤረትርያ ለትቀረረ ቀራር፡ ኤረትርያ አሰለሐት እግል ኢትዛቤ መኔዕ፡ ጀመዶት ማልያይ መቅደረተ ወእቅትሳድያይ አርዛቀ ክምሰልሁሙ እግል ገሌ ምህም ሳቶም አፍራድ ምን ሰፈርያት መኔዕ ለሸምልቲ ለዐለ፡፡ እሊ ቃኑንደይ አሳሰ ለአለቡ ኢዳድል ወዛልም ቀራር እሊ፡ ድድ ኤረትርያ መኔዕ እግል ሐላፊት ምን ዐለ ስያሰይይት ሸንሀት እዳረት አምሪክ ለትባገሰ ዐለ፡፡ እዳረት አምሪክ፡ ክምሰለ ኑዕዩት ቀራር እብ ገበይ እድንደይ አምን እግል ልቀርር ለቀሰብ፡ ኤረትርያ ጀሪመት ሰበት አጅሬት እንዴ ኢገብእ፡ እብ ደረጀት ወጠኢያይ፡ መንጠቀት ወእድንደ ዲብ ሕር ወሰደድያይ ቀራር ስያሰት ሰበት ሰብተት እበ

ሐቲ ጀሀት፡ ለእብ ስያሰይይ፡ እቅትሳድያይ ወሰትራተጅያይ አጃንደተ እት ፍዕል እግል አውዕሎት ክምሰል አግደ መሻቀዩ ለትክድሙ፡ አቶብዩ ክምሰል ናይ እለ መንጠቀት ሐሊት እግል ትእመን እበ እግል ቀሰቦት ህዩ እበ ብዕድ እንክር ቲ።

ሰበት እሊ፡ ዲብ አወላይት ምዕራፍ ጽባብ ወኸልፍዮት ህደፍ



ቀራር እድንደይ አምን መብደእ ክል ዳይመት ወኤዳይመት ነፈር ምጅልስ አምን እግል ልትፈሰር ቲ።

ዲብ ምዕራፍ ክልኤ ህዩ ሸከረት ታሪካይ፡ ስያሰይይ፡ ጂኦግራፊያይ፡ መሕበራይ፡ እቅትሳድያይ፡ ዐሰከርያይ ወናይ ድዋር መሻክል ሶማም እግል ልፈሰር ቲ።

ዲብ ሳልሳይት ምዕራፍ ህዩ፡ አቶብዩ፡ ኤረትርያ ወአምሪክ ዲብ ሶማል ለልተበዓህ ስያሰት ክምሰልሁሙ እግል እድንደይት ቤት ግማት አምን “አሰከ ሶማል ሰለሕ እግል ኢልኢቲ ወእግል ትራቅብ ለቁመት መጀመ-ዐት ሶማል ወኤረትርያ” እምበል ደሊል ሳብት፡ “ኤረትርያ እግል ሐረከት ሶማል ስያሰይይ፡ ሎጂሰቲክያይ ወማልያይ ሰዳይት ተህይብ ተ” እት ልብል ለአቅረቡ ናይ ሐሰት ተቅሪር አሳሰ እንዴው ወደ፡ እብ አሳሰ ሳብዓይት ምዕራፍ ሚሳቅ መዝመት መጅልስ ቅራን፡ ድድ

ኤረትርያ ለሐላፊዬ ዛልም መኔዕ እብ ተፋሰል እግል ልቅረብ ቲ። ዲብ ራብዓይት ምዕራፍ ህዩ አሰባብ ረፊዕ መኔዕ ሚ ክምሰል ዐለ እግል ልፈሰር ቲ።

ዲብ ሐምሳይት ምዕራፍ ህዩ ተሕሊል ቅራኣት እግል መሓደረት አንፋር ድወል ምጅልስ አምን መኔዕ ምን ኤረትርያ ሐቀለ ትረፈዐ።

አወላይ ምዕራፍ መገባባጥ መታክለ ቀራር

መገባባጥ (ኸልፍዮት) ወጽባብ ቀራር ምጅልስ አምን ዕልብ 1907

ዲብ እሊ ክፋል እሊ፡ መግጥር ናይሊ 15 አንፋር ምጅልስ አምን እንዴ ይእንረኤ፡ ጽባብ ወኸልፍዮት ቀራር ዕልብ 1907 እብ ተፋሰል እግል ንርአዩ ቲ።

አወላይ- መገባባጥ ቀራር ዕልብ 1907

ጅቡቲ እግል ክርዐት ወዐንቀፎት እግል ልትሐረከት ጀሃት፡ እተሓድ አፍራቀ ድዶም ለተትሐዜ ምሰዳር እግል ትትነሰእ በ”

5. “ኤረትርያ ምሰል ጅቡቲ መትፋሃም አው ናይ ክልኢቲ ጀሃት መዋጀህት እግል ቲዴ ለልብል ፍክር ረፍደት፡ ናይ መንጠቀት ወመዝመት አሚን ዓም ዜረፍት ኢለትሐዜ ትቤ”

6. “መዋዲት ኤረትርያ እግል ሰላም ወዕሬ ደውለት ሶማል ለተክል ቲ። አከይ መቅርሕ ጅቡቲ ወኤረትርያ ህዩ እግል እድንደይ ሰላም ወአምን ዲብ ብቀት ለካሬቲ።”

7. “ክለን አዕደ ድወል - ክምሰልሁሙ ኤረትርያ - እግል ዕመልዮት ሰላም ጅቡቲ እግል ፈደራልዮት ሕኩመት ሶማል ዕሬ እግል ትትመደድ ለትወደዮ ጅህድ እግል ልሰደዮ ወጅቡ፡ ክምሰልሁሙ ኤረትርያ መሰከብት

ወጅብ” ለልብል ዐለ፡፡

ካልኣይ- ጽባብ ቀራር

ምጅልስ አምን፡ ቀራር ዕልብ 1907 እግል ሐላፊት ክምሰል መገባባጥ አው ኸልፍዮት እንሰቅቁ፡ እሊ እት ለዐል ለተህደገ ሸክዋትቲ ለአዳለ፡ ዲብ እንዴ ተንክብ ህዩ እሊ ለተሌ ምሰዳራት ነሰኢ፡-

1. “ክለን አዕደ ድወል፡ እብ ገበይ ምዋጥኒን አው መንዴረተን ለለአንበልብል መራክብ ልግበእ ወዋያራት እንዴ ጸዕነ አሰክ ኤረትርያ ለለኣቲ ሰለሕ ዐሰከሪ ወሸብህ ዐሰከሪ፡ ወእሰቤራት እግል ክርዐት ሻፍገት ምሰዳር ነሰኢ፡ ክምሰልሁሙ ቲክፍሰጂያይ ወማልያይ ሰዳይት ወተእሂላት ለአባጥረ።”

2. “ኤርትርያ፡ ዱቅሪ ልግበእ ወእብ ወለት ገበይ ለገብአ ሰለሕ አው አላት ዐሰከርያት ምን መንጠቀተ አው እብ ገበይ መዋጥኒን አው ህዩ መንዴረተ እበ ለአምበልብል መራክብ ልግበእ ወዋያራት እንዴ ወዴት እግል ተአዝቤ አው እግል ተአምጽእ ክሉ ረአሰ ኢልሰመሕ እግል፡ ክለን አዕደ ድወል ህዩ እብ ገበይ ምዋጥኒን አው መንዴረተን እበ ለአምበልብል መራክብ ወዋያራት እንዴ ወደዩ ኤረትርያ ሰለሕ እግል ተኣቲ ዶል ጀርብ ከረዓህ።”

3. “ክለን አንፋር ድወል፡ እብ አሳሰ ዋወር ወጠኢያይ ወእድንደይ ቀዋን፡ አሰክ ኤረትርያ ወሶማል ለገይሰ ወምኑ ለመጽእ ሸክኖታት ኤረትርያ እግል ተምጽኡ አው እግል ትልኣኩ ሰሞሕ ለኢገብእ ጅንሰ ክምሰል ቡ ሐብሬ ዶል ተህሌ እለን እግል ልጽባህ ባን።”

4. “ክለን አንፋር ድወል፡ ለዲብ ከሰሰ ልጅነት አሰክ ካርጅ እግል ኢልሳፍሮ ለትቀረረ እቶም አፍራድ አሰክ ድወልን አው መንጠቀተን እግል ኢልኢተዮ አው እብ እግል ኢልሕሊፎ እግል ክርዐቶም ለለትሐዜ ምሰዳራት ነሰኢ።”

5. “ክለን አዕደ ድወል፡ ዲብ ድወለን ወመንጠቀተን እግል ህሌ፡ ዲብ ኤረትርያ እብ ወለት ገበይ ለትመሰክ ሰላዲ ወናይ እቅትሳድ አርዛቀ ወብዕድ፡ ምን እሊ ቀራር እሊ ለፈግረ እተ ዕለት እንዴ አሰተብደዩ እግል ጀመዶቲ እንዴ ኢልትአከረ ምሰዳር ነሰኢ።

ዲብ ደንገብ ምጅልስ አምን፡ እግል መዋዲት ኤረትርያ እብ ፋይሕ እግል ትታብዑ ወእግል ተአደቅቡ ክምቲ፡ እንዴ አሸራ፡ ኤረትርያ ሐቀመ እብ ጽባብ እሊ ቀራር እሊ ጠይዐት ላኪን እግል ለአሰንዩ አው እግል ልርፍዑ ክምሰል ቀድር አከደ።

ልተላሌ....

ዲብ ቀራር ክምሰል ሸርሕ ለህሌ፡ መገባባጥ ቀራር ምጅልስ አምን ዕልብ 1907 ለትባህሊ ንቀዋ፡-

1. “ኤረትርያ፡ ዲብ ሶማል ሰላም ወዕሬ እግል ኢልትረከብ እግል ለሐምርግ ወለ መንተቀት ለረብሸ ሙሰልሒን ሐሸመት፡ ስያሰ፡ ማልያይ ወሎጂሰትክያይ ሰዳይት ተህይብ ህሌት።”

2. “ኤረትርያ እብ አሳሰ ዳይም ወኪል ዲብ መዝመት ምጅልስ ቅራን ዲብ ዮም 19 ማዮ ዲብ ርአሰ ምጅልስ አምን ለሐላፊዩ ልእከት፡ እግል ሸክ ሸሪፍ ሸክ አሕመድ ርአሰ መትዐዳይት ፈደራልዮት ሕኩመት ሶማል እግል ልግበእ ለሐራት እትፋቀዩት ጅቡቲ ረፍደት።

3. “ልኡክ እተሓድ አፍራቀ፡ ሰላም ወመሰከብት ሶማል እግል አከዶት እግል ወደዮ ለህሊ ጅህድ ሚዛን ዐቢ እግል ልትህዩቡ ወጅብ”

4. “እግል ሄራር ሰላም

ፈደራልዮት ሕኩመት ሶማል እግል ሐምረጎት አው ህዩ እግል ፈደራልዮት ሕኩመት ሶማል እግል አውደቀት ዱቅሪ ልግበእ ወእብ ወለት ገበይ ለትወደዮ ወራታት እግል ተኣብጥር ጠለቡ።”

8. “ኤረትርያ ዲብ ወክሉ ሰልሐ ዲብሊ ናይ በዲር አካነተ እግል ትሰሐብ ወዲብ ዲብ ጁን 2008 ደግሸ ለገብአ እቲ ራሰ ዱሚረ ወጀዚረት ራሰ ዱሚረ ላቲ ዐሰከርያይ ህለዮት እግል ኢተርኤ፡ ዲብ ራሰ ዱሚረ ወጀዚረት ዱሚረ ምሰል ጅቡቲ ናይ ሕዳድ ደግሸ ክምሰል በ እግል ተትአምን፡ ለመሳድድ እግል አርህዮት ዲብሊ ገብእ ህደግ እግል ትሻርክ፡ ክምሰል ዕዱ ነመዘመት ምጅልስ ቅራን እድንደይ ወጅባተ እግል ተአትምም ዲብ ዕልብ 3,4,5 ማዶት 2 ሚሳቅ መዝመት ምጅልስ ቅራን ማዶት 33 ሸርሕ ለህሊ መግድእ እግል ተሕተርም

ከደማት ዓፍዩት እት ምዴርየት ምግብ ደንካልየ

እተ ለሐልፊት ወክድ ሱሕፍዩን ጀራይድ ኤሪትርያ አሰክ አቅሊም ግብረት በሐር ቀየሕ እንዴ ተሐረከው፡ ምስል አሰይድ ዑብዱ ሳልሕ መስኡል ዓፍዩት ምዴርየት ምግብ ደንካልየ መቃብለት ዋድያም ዐለው። ታምም ጽብጥ ናይሉ መቃብለት ልተላላ።

እት ምዴርየት ምግብ ደንካልየ መትመዳድ ከደማት ዓፍዩት ሚ መስል እተ ለልብ ሰኣል እት በልሱ፡እግል ሽዑብ ከደማት ለልሀይብ ሰለሰ መኣሰሳት ዓፍዩት ህለዩ። ክልኤ መራክዝ ዓፍዩት ወሐቲ እስፒዳልየት መዕዩ። እለን መኣሰሳት እለን

ሰብ ምህነት ወኣላት ከአፎ ህለየ? እትለን ሰለሰ መኣሰሰት ዓፍዩት ሰብ መቅደረት ምን ዶል ዲብ ዶል እንዴ ወሰኮ ገይሶ ህለው። ክም ኣጋር ሐኪም ወነርሰት ህለው እግልነ። እሎም ሙጅተማዕ ከደማት እግል ልርከብ ሸቁ። ምስሉ ዲብ ክል ወሬሕ



እግል ሐድ 20 አልፍ ለጉብእ ሽዑብ ከደማት ለልሀይባ ተን። እሊ ሽዑብ እሊ እት 25 ዐዶታት እንዴ ትከፋፈሉ። እት 7 እዳራት ደዋሐ እንዴ ትከምከመ ነብር። እሊ ሽዑብ እሊ ምስል ለህለ እግሉ ለመድ መትነፍያቲ ዲብ ሕክምነ ትርእዩ እት ህሌክ። ምን ክሉ ለዐድ 25% ለበጽሕ ሌጣቲ እትለን መኣሰሳት ዓፍዩት እንዴ መጽአ ከደማት እግል ልርከብ ለልጅህድ። 75% ለተርፈ ህዩ ዲብ ረዩም ብፋር ለልትረከብ ሰበት ቲ። እግል ሳረዮቲ ክልኤ ገበይ ንትነፋዕ። ሐቲ እንዴ ተሐረክነ ክም እንሳርዩ ወካልኣይ ዲብ መስከቡ ወካይል ናይ ዓፍዩት ክም ልትረተብ እሉ ጉብእ። ምስል እሊ ኣጋር ሐካይም ህለው። እተ እግል ልትበጸሕ ለኢቀድር ባካት እንዴ ገሰው ከደማት ዓፍዩት ክም ለሀይቦ ጉብእ። እብሊ ህዩ እትለ ምዴርየትን ለህለ ሽዑብ ከደማት ዓፍዩት ክም በጽሐ እንወዴ ህሌነ።

ናይ ፍድኢት በርናምጅ እንዴ ነዘምነ። እብ ለህለየ እግልነ ክልኤ ኣምቡላንሰ እት ንትሐረክ ኣግፋዝ ፍድኢት ክም ረክቦ እንወዴ። እትሉ ለንትሐረክ እቲ ወክድ ለኢልዐዴ ኣምራድ ክምስልሁ መጅተማዕ ለመርሐ ነዳፊት



ድዋር ነኣትጋይሱ። እሊ ክሉ እሊ እግል ንውዴ ምስልነ ለሸቁ ኣጋር ሐካይም ወለጅነት ነዳፊት ህለው እግልነ። ምስሉም እብ መትሳዳይ ህዩ እንከድም።

ምስል ሀደፍ ውዛረት ዓፍዩት ጸብጠቲ ለህሌት ለገይሰ ኣህዳፍ



እለን መኣሰሳት ዓፍዩት እብ

ሚለንዩም እንቲም ከአፎ ትሸቁቡ ህሌትም?

ሐቲ እም ዲብ ሳብዓይ ሳምናይ ወርሐ ክም በጽሐት፡ ዲብ ሕክምነ እግል ትትፈረጅ ናይ መጸበሪ ዐመሲ ኣካናት ዲቡ ክም መጽእ ጉብእ። ክምስልሁ መ ለጅነት ግርዝ ወእም ለትትብህል ለጅነት ህሌት እግልነ። እት ክል ወሬሕ ሸቅለ እግል እሊታት ለትራቅቡ። ሕነ ህዩ ለናይ እማት እት መራክዝ ዓፍዩት መትፈራር ክል ሰነት እብ ምእታይቲ ለእንቀይሱ። ናይ ዮም ዓመት ምስል ናይሉ ሐልፊት ሰነት ልትርኤ እት ህለ እብ ክልኤ ምእታይት ዐቦት እርኡይ ህለ። እሊ እግል ንብጸሕ ለሰዴነ ለናይ ኣጋር ሐካይም እት ክል ዐዶታት ለህለ ወእንዴ ወልደየ ለትሳረሐየ እብ ለልሀይባሁ ሐብሬ ቲ። ክምስልሁ መ እግል ረዩም ሰናታት ለመድ ናይ ኣውለዶት ለዐለ እግልን እማት ምስልነ ክም ጉብእ እንዴ ወዴነ ክም ሸቅየ ሰበት ከደምናቲ።

እትለ ምዴርየት ክልኤ መካይን እምቡላንሰ ህለዩ። ደዋ እብ ከሰሰ ህዩ እት ክል ሰልሰለሰ ወሬሕ መጽአም ህቲ ህዩ ካሬቲ። እምበልሁ ምን ዶል ዲብ ዶል ለትፈናተ ኣላት ናይ ሕክምነ መጽአም። እሊ ህዩ ሕማማት እግል ፈረገት ሰድዮም እብ ፍንቲይ ዲብ እሊ ምዴርየት ሕማም ቲቢ እብ ብዝሐ ልትርኤ።

እግል መርመረ ልልኡኩ ለዐለው ኣዳም ምን ግደሰ እንዴ ኣገረ ዲብ ዕደደቶም ክም ፈሩጉ እሉ ጋብእ ህለ።

ፈህም ወፈዛዓት ሙጅተማዕ እት መጽል ዓፍዩት ከአፎ ህለ?

እብ ኣማን ሽዑብ እህትማሙ ወፈህሙ እት ሕክምነ ዐቢቲ። እግልሚ ዲብ ተዕቢኣት ለእንወዴ ዲቡ ወኣሰክ ሕክምነ ኣክል ዩ መጽእ ክም ህለ ዶል እንርእዩ እሊ ካሬ መቀየሲቲ። ፈህም ናይ ሙጅተማዕ እንዴ ዐቤ መጽአ ምንጉብእ ሽዑብ ኣሰክ ሕክምነ እብ ብዝሐ እንዴ መጽእ ገይሱ። እግልሚ እብ ሰራይ ዐድ ሌጠ ነብር ለዐለ እግሉ እንዴ ሐድገ ኣሰክ ሕክምነ መጽእ ዶል ትርእዩ እሊ ፈህሙ ዐብ ክም ህለ ትርኤ።

እምበለ ፍድኢት እግል ኣግፋዝ ለልትህዩብ ክም ደብሌ ናይ ሰጋድ ርሕም ፍድኢት እብ ከአፎ ከደምኩም እቲ እግል ነበል እንቀድር?

እሊ ክልኤ መራት ቀነጽናቡ። ሰልፍ ላኪን ሙጅተማዕ ከአፎ ልፍህም እንዴ እንቤ ተዕቢኣት ወዴነ። ሰበት እሊ ክሉ እንዴ ፈህመው እብ ክል እዳራት ደዋሐሆም ምን 9-14 ሰነት ዓማር ለህለየ ኣዋልድ ኣንሳት እንዴ ከትብው ህበውነ። እሊ ህዩ ዎሮ ምን ለትዐውትን እቲ ሸቅልቲ። እብ ምእታይት ልትርኤ እት ህለ ዲብ ኣውላይት ደውረት 90% እተ ካልኣይት ህዩ 100% ትሰርገለ።



ኅርሰ ዐብዱ ሳልሕ

ሐድ 5 አልፍ ለጉብእ ሕሙማም እንዴ ለኣትቀባብሎ ትሳረው።

እት ሰነት 2023 እብ ዝያድ ተዕቢኣት እት ሽዑብ ለወደው እቡ ሕማም ሕባዋ ከብደት ለከሰሱ። እሊ ሕማም እሊ ምን ኣየ መጽአ ወእግልሚ እብ




እት ምዴርየትም ግብለት ደንካልየ እብ ብዝሐ ለልትርኤ ወመሻክል ለመጽእ እትኩም ኣምራድ ሚ ለመስልቲ?

እትለ ምዴርየት ምን ማይ ለመጽእ ሕማም እግል ዳፍያት ለጉብእ ተዕቢኣት ህለ። ክም ናይ ሸቃቃት ለመስል ከአፎ ልትነፍያቡ ሰኒ እንዴ ወዴነ ሸቁናቡ። ምናተ ሕማም ፍጋር እግል ልንቀሰ ኢቀድራኒ እግልሚ ለሸዑብ እት ሐቲ ኣካን ሰነብር እንዴ ኢጉብእ ምን ኣካን ዲብ ኣካን ለልትሐረክ ሰበት ጉብእ። ዝላም ዲብ ዘልም እቲ ወክድ እሊ ሕማም እሊ እግል ልሳድፍ ቀድር እንዴ እንቤ። እንዴ ዳሌነ ንጸቡ። እት ሰብክ ወሳግም ምን ክርዕ ከወክን ማይ ሰበት ሰቲ መሻክል ሕማም ጃርጅየ ሳድፋ።


ብዝሐ ዲብ ደንክል ልትርኤ ልሳዕ ድራሳት ለልትሐዘዩቲ። ካልኣይ ኣንገፎት እም ምን መሻክል ለከሰሱ። እማት እንዴ ፈህመየ ኣሰክ ሕክምነ እንዴ መጽየ መራዐየት እግል ልርከብ ተዕቢኣት ወዴነ።

እት ኣክር ክልዶል እት ሽዑብ ትፋድ ተቅዩር እግል ነምእቲ ለእንሸቁ። ኣዘ እግል ነኣደቅብ እምብል ለህሌነ ለጅነት እም ወግርዘቲ። እግልሚ ምስል ለህለ ብዝሐ ሽዑብ እማት እት መኣሰሳት ዓፍዩት እንዴ መጽአየ መራዓት እግል ልርከብ እሊ ለጅነት እሊ እንዴ ደቀበት እግል ትሸቁ ህለ እግል። እማት እት ቤተን ወልደ ገብአየ ምን ጉብእ ሐቆ ሕርሰ ለህለ እግል ልትሐመላሁ ሰበት ኢቀድራ። ምን እሊ እግል ልድሐነ ወኣሰክ መኣሰሳት ዓፍዩት ለመጽአቡ ኣግቡይ እትለ ሰነት 2024 እግል ኣደቀቦት ክም በርናምጅ ጸብጣሙ ህሌነ። ክምስልሁ መጽበሪ ኣካናት ዐመሲ እግል ነኣደቅቡ ክም በርናምጅ ጸብጣሙ ህሌነ። ለእማት ክልኤ ኣው ሰለሰ ኣጅኒት በን ምን ጉብእ። ምን ረዩም ብፋር ሰበት መጽአ እንዴ ጸብጣሆም መጽአ። እብሊ እግል ክሉ ዱሉያም እግል ግብእ ጅህድ እንወዴ ህሌነ ልብል።



አርዛቅ

በሐር



መዳልያይ፣ ፍሰህ ተክሌወይኒ ተርጅመት፣ ሳልሕ ገመ

መንገድ እት በሐር

ባቡር ልግበእ ወጅላብ ምስል ክሉ ሽሕነቱ እት በሐር እብ ከኦፊ ኦግቡይ “ሚዛኑ እንዴ ራቀብ ሰለል እግል ሊበል ቀድር” ለልብል ሰኣል እግል ልምጸእ ቀድር። እብ ቀሊል መፍሀም፡ ባቡር እት ረኣሰ በሐር ክም በጥራ፡ መቶር ሸቅሉ ክም አንበተ፡ ለደረከት ማይ ወከባደት ናይላ ባቡር ሰውይ ክምገብኡ፡ ለማይ በሐር እግል ልርፍዑ ሰበት

ልትቀደር። ክመ ዲብ አርድ ለልትረከብ ሐረከት መካይን ወብዕድ እብ ትራሬክ እንዴ ትቀየደ ለልትሐረክ፡ እት ማይ ክፋላት (መራታት፡ ኦብሐር ወምሐጣት) ለልትሐረክ ጅላብ ወበዋቢር፡ ደማነት ክም አውለውየት እንዴ ትርኤት፡ ምን ለነኣሽ አስክለ ዐበ ቃትን ሰፈር በሐር እንዴ ራቀብ ልትሐረክ።

ለቀድር? “ናይ ኣይት መንገድ ለልትበሀል ጃኬት” እብ ከባደቱ ከፊፍ ዲብ ቀብቱ እስብንጀት ለቡ ዲብ ለዐል በሐር ሰለል እግል ለኣብል ለቀድር ቱ። ዲብ ሻፍገት ሓለት ህዩ ሐይትክ እግል ተአንግፍ እብ ትቀድር። ክም መሰል ጀልበት ናይ ተዊቅ ብቅት ዶል ሳድፊ፡ እግል ትሕደገ ዲብ ለትጀበር ዲብ ወክድ፡ ናይ መንገድ ጃኬት እንዴ

ብቅት ሸቃላ ናይላ ባቡር አው ጀልበት አስክ ናይ መንገድ ሐይት ራድኢት ረክቡ፡ እት ናይ መንገድ ሐይት ጀልበት እግል 100 ዮም አው ምኑ ወለዐኣል እብ ሐይት እግል ልጽንሖ ክም ተአቀድርም ተቃረር መንገድ ለሐብር። ናይ መንገድ ሐይት ጀልበት እሊ ለተሌ አሸዩእ ትክምክም። ክልኤ እብ እድንያይ መቀየሲ ቅቡልየት ለቡ ናይ በሐር ብርሲ (አንከር)፡ ክልኤት ትሩዳም ወዕኩካም ኣምላም ሐባል (ሃውሰርን ትርፕሊንግ) ለቡ ለዎሮ ቅያር እት ገብእ ለካልኣይ ህዩ እግል ትሉሉይ ናይ መንገድ ሐይት ጀልበት ለልትጸበጥ ቱ። እሊ ህዩ እግል ናይ መንገድ ሐይት ሰለል እግል ቲበል አው ምን ለዐል በሐር እት ህሌት አስክ እትጃህ ውልቀል እብ ዋጅብ ክም ልትመደድ ወዴ። ቅወት ክልምኑ ብር/አንከር በሐር ሃውሰርን ትርፕሊንግ ከጥ እግል ክሉ እት በሐር እግል ልሳድፍ ለቀድር ኣላት፡ እግል ልራቀብ ብቅዕ ክም ገብእ ለወዴ። ለናይ በሐር ብርሲ እት ክል ጠረፍ ናይላ መደወር (ሰዊሽል) እግል ልኦቱ ለቡ እትገብእ እት ፍንጌ ሐባል እግል ልትቃለብ መቅደረት ለኣለቡ ናዕ ለቡ እግል ልግበእ ወጅብ። ክም ተውሳክ ክልኤ ሰለል ለልብል መሐርካይ ለባተ።



ራዳር ለልኣንጨዎሬሕ ለበ ሰበት ተ እግል መንገድ መድመነት ወድዮ። እት ወክድ ብቅት ለሳድፍ፡ እግል በዋቢር ወጣኢራት እሻረት እግል ሂበት፡ ሐቱ ናይ አደሐ በርሀት እሻረት ለትህይብ ምራየት ምስል መምርሐህ ኣግቡይ መትነፍያት ምህም ሰበት ቱ እግል ልክመል ላቡቱ። እት ናይ መንገድ ጀልበት አስክ ራድኢት እግል ለኢትሐደደ አምዴላት እግል ትጽናሕ ሰበት ልትቀደር፡ ካምል ኣላት ጀለቦት ዓሳመ ለትክምክም ቱ። እት በሐር ምን ለልትከለቅ ዴራይ ውልቀል ውብርድ እግል ዳፍያት፡ ሰልፍ ደማነት ዓፍየት በሐረ አድመኖት ሰበትቱ እግል ንዳፍዕ እሉም ወጅብ። ሰበት እብ ድቁብ ውልቀል ውብርድ ለትመጽእ መደረት ክብድት ሰበት ቱ። እት ወክድ ሰፈር እብ ነኦይሽ ሻፍጋት (ፈጣናት) ጅላብ ውብዕድ



ቀድር ለባቡር እምበል ምሽክለት ሰለል እግል ሊበል ቀድር። እብ ዕመማይ ልትርኤ እት ህላ፡ ሚዛን ናይላ ባቡር ምን ሚዛን ናይላ ለልትደረክ ማይ ወለዐላ ገብእ ምን ገብእ ላኪን ለባቡር ተርቅ።

ሰፈር በሐር ምን ናይ አርድ ለፈንትዩ፡ ባቡር ልግበእ አው ጅላብ ዶል ከርብ ምንክ እግል አስነዮቱ ሰኢ ክቡድ ሰበት ገብእ ቱ። ሰበት አምዎጅ ወወላዊል እግል ለአሸቄክ ዲብ ለኢልትቀደር እቱ ደረጀት በጽሕ። እምበልሁ ለገብእ ቅያር ዐፍሽ ወሰዳይት በዐል መቅደረት እግል ትርከብ ሰኢ ክቡድ ሰበትቱ።

ለበስክ አስክ ራድኢት ትረከብ ዲብ ማይ ሰለል እት ትብል እግል ትጽናሕ ሰዴክ። ናይ መንገድ ኣይት ጃኬት ፊሰከት ሰበት ህሌት ዲብ፡ እት ባኮትክ ጀልበት ዶል ትርኤ እብ እንዴ ፋጾክ እግል ተአስምዕ ትቀድር።

ምን ክልኤት በኣረ ወለዐል ሰለል እግል ለኣብል ለቀድር ብዕድ ናዕ ናይ ሐይት መንገድ እግል ዝክረት፡ ዲብ አምዴትክ እግል ትትዐንደቁ ለትቀድር ሰለል ለልኣብል እብ ናይ ፕላስቲክ እስብንጀት ለትሸቀ ዕቢ ለብሀል ቱ። እሊ ናይ መንገድ ጀልበት ዶል ኢትህሌ እግልክ እት ዐባዩ ጅላብ ብዝሓም አንፋር እግል አንገሬት እግል ትትነፈዕ እብ ለትቀድር ናይ መንገድ ምምተለካት ቱ። እት ዔጸትክ እግል ትትዐንደቁ ትቀድር፡ እግል መሐበሪ ሽግዲት እት በሐር እንዴ ትበሀላ ለትዳለ ናይ መንገድ ዶል ኢትረክብ። ክም መንገድ ናይ ሐይት እግል ትትነፈዕ እብ ትቀድር።

እትሊ ዋወር ዘበን ሰፈር በሐር እምበል አሰፍ እግል ልግባእ ዐቢ ዶር ለአውቄ ለህላ፡ እብ ደረጀት እዲነ አውለውየት እንዴ ተህዩባዩ ልትሸቄቡ ለህላ ኣግቡይ ደማነት ቱ። ምን ወክድ ዲብ ወክድ ሰፈር በሐር ሰኢ ለትደረሰ ወለ ጠወረ እት ገቢእ ገይሰ ዲብ ለህላ ክፈል ዘበን፡ ለኩብደ ወለ በዝሐ መምተለካት እብ ባቡር ልትጋዐዝ ህለዮቱ ቱ ምህም ለወድዮ። እግል ለትፈናተ አህዳፍ ዲብ በሐር ለልትሐረክ ጅላብ ወበዋቢር፡ እግል ጀለቦት ዓሰ ለከድም ንኦይሽ ጅላብ (ክም ሳምቡቅ) ዐባዩ ጅላብ አው ባቡር ንኦይሽ ለትፈናተ ናይ ዐፍሽ ወሽዐብ ሰፈርያት ዲብ ለከድመ፡ እምበል እሊ ናይ ሐርብ በዋቢር ወምን ተሓት ማይ ለልሄርር በዋቢር ወሳብ-ማሪንመ ሸርሐት

እት ሰፈር በሐር በዐል መቅደረት ወተጃርብ ለቡ ማርኣይ ጀልበት አው ባቡር ሰኢ ምህምቱ። ማርኣይ ባቡር እግል ናሱ ወጀማዐቱ፡ ናይ ባቡር ወምምተለካት መስኦልየት ራፍዕ ክምህላ እንዴ አመረ ናይ መንገድ ዐፍሽ ዕንዳቅ ክም ህላ እግል ለኣክድ ወጅብ።

ምን ክልኤት በኣረ ወለዐል ሰለል እግል ለኣብል ለቀድር ብዕድ ናዕ ናይ ሐይት መንገድ እግል ዝክረት፡ ዲብ አምዴትክ እግል ትትዐንደቁ ለትቀድር ሰለል ለልኣብል እብ ናይ ፕላስቲክ እስብንጀት ለትሸቀ ዕቢ ለብሀል ቱ። እሊ ናይ መንገድ ጀልበት ዶል ኢትህሌ እግልክ እት ዐባዩ ጅላብ ብዝሓም አንፋር እግል አንገሬት እግል ትትነፈዕ እብ ለትቀድር ናይ መንገድ ምምተለካት ቱ። እት ዔጸትክ እግል ትትዐንደቁ ትቀድር፡ እግል መሐበሪ ሽግዲት እት በሐር እንዴ ትበሀላ ለትዳለ ናይ መንገድ ዶል ኢትረክብ። ክም መንገድ ናይ ሐይት እግል ትትነፈዕ እብ ትቀድር።



ናይ መንገድ ጅላብ፡ ሐቱ ረሰማየት ናይ ሰልፋይ ረድኤት እት ማይ ለየኦቱት ቦርሰት ሰኢ እግል ትደበእ ለትቀድር ለጽብጠት እትገብእ፡ ኣግደ ወእግል ልትረፍ ለኣለቡ፡ እት በሐር ምን ሰድፍ ሕማም እግል ልሳሪ ለቀድር ደወ ውብዕድ እግል ክል ነፈር ክድመት ለልሀይብ ለበ እግል ትግበእ ልትሐራ። ሶት እሻረት ለልሀይብ ፊሰካት፡ አርበዕ ሮኬት ናይ ሃባት ፓራሹት፡ ሰስ ናይ እዴ ሃባት ሐብሬ (flare) ክልኤ ሰለል ለልብል አሻይር ተናን፡ ሐቱ ማይ ለየኦቱ ዲብ ናይ ከርሀበት በጣየት፡ እሻረት እግል ኣለፎት ልምድት ላተ ሞርሰ (Morse) እሻረት እግል ሂበት ነፊዕ ምስል ዎሮ ቅያር ርብጠት ሐጀር፡ ዎሮ ቅያር ኣምፑል እት ማይ ለተአተ መጽበጠ፡ ብቅዕ ናይ

እት ፍቱሕ ለሳፍሮ ብሐረ እግል ልንፋዕ ለቀድር ጃኬት፡ ቅወት ውልቀል እግል ልዳፍዕ ለቀድር ክም ህላ ሐበርት ልትቀደር። ሰበት እሊ ኣግደ መራቅቢን በሐር እግል ልትነፍያቡ ወጅብ።



እት ሰፈር በሐር በዐል መቅደረት ወተጃርብ ለቡ ማርኣይ ጀልበት አው ባቡር ሰኢ ምህምቱ። ማርኣይ ባቡር እግል ናሱ ወጀማዐቱ፡ ናይ ባቡር ወምምተለካት መስኦልየት ራፍዕ ክምህላ እንዴ አመረ ናይ መንገድ ዐፍሽ ዕንዳቅ ክም ህላ እግል ለኣክድ ወጅብ። ዎሮ ባቡር ናይ ናሱ ናይ መንገድ ዕንዳቄ እግል ለህሌ እሉ ምህምቱ። እት በሐር ምህም ምን ላቱ መንገድ ሐይት ጃኬት፡ ናይ መንገድ ሐይት ጀልበት፡ ውልቀል እግል ልዳፍዕ ለቀድር ጃኬታት ውብዕድ እግል ለህሌ ወጅብ። ለትሸረሐ ናይ መንገድ ሐይት እብ ከኦፊቱ ሐይት እግል ለአንግፍ

ናይ መንገድ ኣይት ልግበእ ውብዕድ ሰለል ለልኣብል፡ እግል ዎሮ ነፈር እግል መደት ረያም እግል ልሰደዩ ለቀድርመ ልግበእ እንዴኢትን፡ ዲብ ማይ በሐር እግል ረዩም ወክድ ጽንሐት፡ እብ ጽምእ ገርብ ለመጽእ ተዐብ ክምሰልሁመ ድህርት ደረጀት ሐፋነት ገርብ ሰብብ። ናይ መንገድ ሐይት ጀልበት እግል ክሉ ሸቃላይ እግል ትትከበት ለትቀደር ምን ምህም ናይ መንገድ ለንትነፋዕ እብ ሐቱ ቱ። ናይ መንገድ ሐይት ጀልበት እግል ሸቃላ እግል ሳምናታት አው ምን ለዐሉ እብ ሐይት እግል ልጽንሖ ሰበት ተአቀድርም፡ ዲብ ቀሪን ለቡ ኣብሐር ሰኢ ምህምቱ። እት ገሌ ገሌ መናሰባት ለሳድፍ

እምስልሁመ ምን ብቅት ክብድት ወጅራሕ ዳፍዕ፡ ደማነት ድዋር ተሐፍዝ ወሰላም ወሰርገል ለቡ ሰፈር እግል ለህሌ እግልክ ሰዴ። ሰበት እሊ ለትወቀለ እህትማም እግል ልትህየቡ ለወጅብ መንገድ ሰበት ቱ ማልከት ወሚርሐት በዋቢር ወጅላብ፡ እግል ሸቃላሆም እብ ሰበት መንገድ ታእሂል እግል ለሀዩ ወእግል ልሰልሐ ኣግደ መስኦልየቶም ቱ።

ሸባብ

ነጃት ዑሳጣን



አድረሱት ካድራት እት ክልኤ ደረጃት እንዴ ትካፈለ ለልትሆብ በርናምጅ ቱ። እት 10፥ ፈሰል ምን ሕመረት እንዴ ትረከው ለቀርቦ እብ ደረጃት አቅሊም ለልትሆብ ምግባይ ካድር እት 11 ፈሰል እግለ ምን ምግባይት ደረጃት ካድር ለልትሆብ ድራሱት። ታሪክ ሸባብ ኤራትርፍ፡ ወጠን ወወጠንዮት፡ ዐዋሚድ ወጠንያይ ቻርተር፡ አትሐዘዮት ተንዘም፡ ካድር ወአሀምዮቱ ወለመሰሉ ለልብል አርእሱ፡ አሳሰያይ አምር ወፈሀም እግል ልርከቦ ምኑ ቀድሮ። እትሊ አሰክ እለ ጋብእ አው ህዮብ ለሀለ ድራሳት ምለዐል 20,000 አልፍ ሸባብ እብ ደረጃት ካድር እንዴ ደርሰው ወደሐረው ዲብሊ ትፈናተ አሸቃላት ወጠን ፍራራም ህለው።

ዝሞት ሸባብ ሸቃሉ፡ ሀደፋ አሰሱት ናይ ዝሞት መሕበር እት ኩሉ ደረጃት ሸቃል ለሀለው ሸባብ እግል ልትከምከም፡ መሸረኩም ወመትካምም እት ወጠንያይ አሸቃል ዶሮም እግል አግደዮት እንዴ ትበሀላቱ። እተ እሉ ሸቃ አካናት ዝያድ ክም ለአደምዶ ወእግል መንደሊታት ላቶም ደረሰ እንዴ ሐበረው ወመክረው፡ መሰል ሰይት እንዴ ገአው ለዐበ ሰብ መቅደረት ሐለት ሸቃል እንዴ ገአው አሸቃሎም ታይኖ ህለው።

እብ አሳሰ እሊ ህዬ፡ እግለ ትፈረረው እቱ አሸቃል ተዕለም

እግለ ንዘመም ላቶም ሸባብ፡ እት መጅሙዓት ልትካፈሉ። ለመጅሙዓት ህዬ፡ መጅሙዐት ሚኒ-ሚደዮ (ሰሓፊት) መሪሕ፡ መጅሙዐት ቅራካት፡ መጅሙዐት ርያደት፡ መጅሙዐት ፈን ወዓዳት ተን።

ብዝሓም ሸባብ እት ሐን ዕዛል መሕበር እንዴ ትከምከመው፡ አሸቃል ብዞሕ ለአገዱ ወመሰል ሰይት እንዴ ገአው ዲብ ተዕለም ወአዳብ ወአውረሱት ታሪክ፡ ፍቲ ወጠን ወአመሮት ወጠንዮት፡ እብ ታሪክ ወሕሸመት ሸባብ ኤራትርፍ ወጅብህት ለለአምኖ እግል ዓኢላቶም ወመጅተመዕ ለከድሞ ሰብ በቃዕት ላቶም ሸባብ እፍሩያም ህለኑ።

እሊ እብ ብዕድ እትጃህ ምን እንርእዩ ለልትረከብ ህለ መናፍዕ እግል ኖሱ ሰምዕ በሲር ገብእ እግል። እሊ ህዬ አወል እብ አወል ለልትረተብ መሕበር ሌጣ ቱ። ሸባብ መሰኡልዮት ታሪክ እንዴ ረፍዐው፡ እብ አማነት እግል ልሸቀው ዐባይ መሰኡልዮት እት መሸንገሎም እንዴ ትሆገለው እብ ሸቃዮቶም ለምን በዲር ጸንሐቶም ዕላመት ሐበን ወታሪክ ክምተ ልትሸረሕ።

ሸባብን እት መጃል ተዕለም ዐባይ ተረት ለአግዱ እቱ ለሀለው ወቅት ቱ እሊ። አብደዮት ቅዌት ካልአይት ድራሱት አንፋር ጨብብ



10th YPPBJ Conference

ምኑ ለረከቡ ካፊ አምር ወተጃርብ እንዴ አትመቃርሐው፡ እግለ አሰሮም ለሀለው ሸባብ እብ ፍዕል እግል አውረሱት መንገአት ፋትሕ ልትረከቡ። እት ከሌብ ጨብብ ዝሞት ለሀለው ሸባብ ምን ቀብቶም እሙራም ሰብ መቅደረት ወተጃርብ ለምን አንፋር ልጅነት ልትሐረው።

እሊ ህዬ፡ እት ፈርዕ እግል ልግበእ ቀድሮ ወእት ምዴርዮት እንዴ ገአ እግለ ሸባብ ለከምከም ወለ ነዘም መመቅረሓይት ልጅነት ቶም። ምን ሐረሰ እሊ

መትካም ቱ፡ ክመ ልትአመር እብ ድንገር ዓዳት ወለመድ ብዝሓት ሻባት አዋልድ አንፋት እብ ህዳይ ወብዕድ አሰባቡ ምን ጢሾ ዕልም ለሬመዮ ወለትፈንተዮ ሰበት ህለዮ እግለንም ክም አትናዮቶት እግል ሕሩያት አንፋት፡ እበ ሐሰት ገበይ በክት ተዕለም ህዮብን ቱ። እምበል እሊ ሰብ ምህነት ወእቅትሳድ ላቶም ሸባብ ምህነት ድራሱት ለህይብ።

መሕበር ምን ሰነት 1995 እንዴ አንበተ እግል አከዶት ርእዮቱ እግል ለአድምን ወለአክድ ብዞሕ አሸቃል ሰርገለ

ሄራር መሕበር

2፥ ወናይ ደንበ ገፋል



ወእዜመ ሰርገሎ ለአተላሌ ህለ። ኤራትርፍን ሹባን እብ ደረጃት ዐለም እንዴ ኢተርፍ ለልጃገር አሸቃል እግል ለአግዱ፡ እብ ቅድራቶም ወሀለዮት ውሕደቶም ክምቱ ልትወደሕ። ምለዐል 800 ሹባን እንዴ ትከመው ለአፍረዉ ቅያስ 7 ኪሎምትር ለሪው “ምን ክሰሐ ሕር” እት ሐንቴለ ትብል ሰቅራት እብል ትዳሌት እድንያይ ዐጃይብ በሀለት እት ጊንሰ ሪከርድሰ ለትከተበት ናይ ዐጃይብ ሱረት ኤራትርፍይ ሻብ ሰባት ለትሸርሕ ክም ዐባይ መሰል ለትሰሚ ተ።

ሸባብ ሐቆ ትከምከመው ወትዝመው ወተዐንደቀው ሚ ለመሰል አከደት ለቡ ሸቃል ክም ለአፈሩ እግል ትትረሰዕ ለአለበ ምህመት ተ። ቅድዮት ሹባን ዶል ነሀርሱ መሕበር ወጠን ሸባብ ወደረሰ ኤራትርፍ፡ መሰኡልዮት ለረፍዕ እተ ወቅድዮት ክሉ ለምጅተመዕ ክምተ እሙር ጋር ቱ ወክሉ እብ ሕበር ለከድሙ ምህም ተዮልል ቱ። ምን እሊ እንዴ ትብገሰ መሕበር ገሌ ምስዳራት ክሰእ ህለ። ገሌ ምኑ፡ መትካም መሳኒት ሸባብ፡ አመቅረሐት አንፋር ሕኩመት ወጅብህት እት ቅድዮት ሹባን፡ ወእሎም መሳኒት ሹባን ለልትበሀሉ፡ ሀደፎም እግል ዮም ለሀለው ሸባብ ምን ለእሉ ሶም ተጃርብ ሸቃል ልግበእ ወተዕለም እግል አትካፈሎት እንዴ ትበሀለ ሌጣቱ ለጋብእ።

መሕበር እምበለ ምስል ምጅተመዕ፡ ሕኩመት ወጅብህት፡ እሸትራካት አሸቃል እት ቀበት ዐድ ልግበእ ወካርጅ፡ ሸባን እንዴ ትመቅረሐው ወትዝመው ክርን ሹባን ኤራትርፍ ክም ትሰመዕ ተጃርብ እግል መትባዳል ልትሸቁ ዐለ ወሀለ። እግል ዲብ ድወል ካርጅ ልትረከቦ ሸባን ምስል ዲብ ቀበት ዐድ ለነብሮ ሸባብ ገጽ እብ ገጽ እግል ልትራከቦ ውሕደት እብ አሰሱት ወአተረዶት ለትጋዮሰ አሸቃል ቀሊል ኢትን።

አትሐዘዮት ወጠንያይ መሀረጃን እግል ሹባን ኤራትርፍ መሳልሐ ብዞሕ ምንግቱ፡ ዓመተን ላኪን ክል አሮት ከእብ በይኑ

ሚመሰለሐት ናይ ውርሰ ታሪክ ክም ረክቦ ወምን ኖስ ኖሶም ምን ተጃርቦም ለረከቡ ኔፍዓይ ለገብእ ወቀይ ሕበር ናይ ሸባብ ወዶር ዲብ ቅብላት አባይ ወፈታይ እግል ሕሸመት ወጠን ወሰርገሎት በርናምጅት ዐማር ወዐቂብ ስያደት ወጠን ለገብእ አሸቃል፡ እብ ኖሶም እንዴ ሰርገለው ለልትወጀሶም አሸቃል እብ ሕሸመት ለአገዱ ህለው።

ወጠንያይ መሀረጃን ሸባብመ እብ ዓዳት፡ ርያደት፡ ወጅግረ አምር (መዕሎማት ዓመ)፡ ሰሚናራት፡ ምህዞ ወሰናዕት፡ ወብዕድ በርናምጅት እንዴ ሰርገለ፡ ሀደፍ ሸባን ኤራትርፍ እንዴ አሰበተ ለገብእ ካልአይ መረጃን ቱ።

ወእብላ ህዬ፡ እግል ዲብ ካርጅ ለነብሮ ኤራትርፍን ሸባብ ምስል ታሪክ ወአክያራት ወጠናም ክም ልትአመሮ ለወዴ መሀረጃን ሸባብ ቱ። እግል መሰል ሹባን ምስል ዐዳት ወመናበረት፡ ምስል በርናምጅት ዐማር ወሓድረት ሓለት ዐደም እግል አመሮት እብ ገበይ መሀረጃን እንዴ ወዴክ ክሉ ሻብ ኤራትሪ ዲብ ሐቲ አካን እንዴ ጀምዐክ እግል አትአመሮት ቱ። እሊ ህዬ እግል እብ ኖሶም ምን ካርጅ እንዴ መጽአው ዋጅብ ክድመቶም እግል ለአትምም ለአትናየተ እሊ ለዲብ ለዐል ልትበሀለ ምህም ንቃዋ ቱ።

ዴማት፡ ወላይቅ መሕበር

መንደላይ

በርህ አፍያት ሮማይ ጀላል ሸፍር ህቱቱ መመቅረሓይ ለዓይር ወፈርር መምበ ሰናት ‘ግል ሸቡ ሕጌ ወላትር። ወቅት ሰላም መእተዮ ወመሕደር ወቅት ገደቦ እግል መአከይ ክልኤ ሰርር ወህቱ ምን ቱ፡ ሻብ ለምሰማር ምድር።

ሻብ መንገፎ ገበል ዲብ መራር ወዋዕም ዌርሳይ እማነት ለገለድ ኢጠልም ኬድማይ ወጠን ዲብ ሐጋይ ወከረም ሚርሓይ ምስተቅበል ዲመ ሰይት ከድም ወሐሊብ መስትያይ እግል ሸቡ ለሳልም።

ታክያት ዐዳ ለመሕበር ዲብ ልትክለል ህቱቱ በዐል መባዋር ለኢትሐላል መራት ዕልም ኢትትክለስ እብ ሸንክል ሻብ ቱ ደማነት ወጠን ወፍራ ምስተቅበል እብ ቅልጭሙ ለዐምር ቀደም ገንድል።

እትፋኔኩም ሸባብ ኢንትረሰዕ እማነት ንንሰእ ምኑ ለነፍዕ እሊ ዘበን ዐውለመት ሰልፍ እግል ርሕነ ወሐራ እግል መንበረት እግል አጅያል ግራነ ለሬፍዐት ሰእዮት። እት ክሉ ንደገግ ውሕደት ወዐዳለት ሐያት ሐቲተ ኢትደገም ሐቆ ሐልፈት ሐውዬ ወሐዋጅ እላተ ፊናዬ ለንኢሸ ልእክት እት ልብ ክልኢትነ ትግበእ ሻብ ወለ ሻበት ሕናቱ በርህ አፍያት ለናይ ፈጅር ዌርሰት።



ሰወር፡ ክብርም ጸሃይ
(1ይ ክፋል)

መትከማር ምስል መድረሰት ሕጁባም ኡብረሀ በህተ



መድረሰት ኡብረሀ በህተ፡ እት ሰነት 1967 እብ ኡሰይድ ሰዩም ወልዴማርያም ለትክንብተት፡ መድረሰት ገዲመት ወእግል ሕጁባም ኡረትርዮ፡ ትግራይ ወበጌ-ምድር ለትቤት ተ። ሰበቡ ኡረትርዮ እተ መደት ለሀ፡ ሐንቲ እስትዕማር ኡቶብዩ ሰበት ዐለትቲ።

ኡሰይድ ሰዩም ወልዴማርያም፡ ሐሁ እግል ኡብ ምሕርባይ ወልድኡብ ወልዴማርያም ቲ። ምን ኡረትርዮ ኡሰክ ኡዲስ ኡበበ ዲብ መደት ንጉስ ሀይሌሰላሴ ኬን ወእንሰር እት ለኡትቃብል፡ እለ መድረሰት እግል ሕጁባምን ኡሀምዮት ዐባይ ለበ ክም ተ እንዴ ኡትኡመኑ፡ እት ኡረትርዮ ክም ትትብኔ ለወደ ፋርስ ወእግል ሸቡ ለልሐሰብ መዋጥን ዐለ። እተ መደት ሰልፈ 'ኡወላይት መኡሰሰት ሕጁባም ሀይሌሰላሴ' ለትብል ሰሜት ሀይብተ ዐለት።

ኡሰይድ ሰዩም ሙዲርላ መድረሰት፡ ወእሲቲ ህዩ፡ መሰኡለት መካዘን ናይለ መድረሰት እንዴ ገብአውመ መደት ረዩም ካድማም ቶም። መድረሰት ሕጁባም ኡብረሀ በህተ እተ መደት ለሀ፡ እብ ዐደድ ሐድ ቲ ክድመተ ለኡንብተ።

ደረሰ መድረሰት ኡብረሀ በህተ ዲብ መደት ለሀ ለበዘሐው ምኖም ምን በጌ-ምድር ወትግራይ፡ ወለሐደው ህዩ ምን ኡረትርዮ እት መጽኦ ደርሶ ዐለው። እብላህ ግድም፡ ኡሰክ ኡምዕል ሕርዮት ኡረትርዮ ሄረረት።

ሕርዮት ክም ዴረት ለመድረሰት እት ምልክ ኡረትርዮ ተዐዴት። ሕኩመት ኡረትርዮ ሐቆ ሕርዮት ዐድኑ፡ እለ እግል ሕጁባም በርሀት-ዕልም ለትሀይብ መድረሰት እግል ትጠወር

ወትደቀብ፡ ተዕቢኡት እት ትወዴ ወሕጁባም እግል ልድረሶ ዲብ እት ተኡትናይት፡ ለድንገር እግል ሕጁባም ጨቅጥ ዐለ ዓዳት እት ትምሐ፡ "ሕጁባም እግል ሚ ትወለደው" እንዴ ቤለው ለሐብዕም ለዐለው፡ እትለ መድረሰት ክም መጽኦ ለተዕቢኡት እብ ለትወቀለት እት ተኡተላልዩ፡ ኡዜ ኡሰክ 112 ደረሳይ ምን ወላድ ወኡዋልድ ጸብጠት ህሉት።

መምህር ገብሬአዘጋብሄር ተሐድዮትለ ሕጁባም እብ ክኡ፡ ክም ልትዐደው ዲብ ሸሬሕ፡ "ተሐድዮት ብዘሕ ህለ፡ ላኪን ሕኩመት ኡረትርዮ፡ ማል ብዘሕ ዲብ ተኡ።

እግል ደረሰ ክም ትትወጤ እንዴ ትወድዩ ትሄርር ህሉት። እምበልሁመ እት ቀበት ዐድ ወዲብ ካርጅ ለህለው ወላድ-ዐድ መዋጥኒን፡ እበ እለ ሀብናህም ሐብሬ፡ ምን ሰዳይትኅ ሐር ኡልብሎ። ክም መሰል እግል ህደግ እግልኩ፡ ኡሰይደ ኡልሰ ምን ዐድ ጥልዮን፡ እግል እለ መድረሰት ክም ቤታ ተ ለትርዕዩ ወትሰድዮ። እለ ኡዜ ትርእው ለህሌኩም ምስትረኡት ጸኔ ለዐለ እብ ዐነድር ሐዲስ ለበደለቲ፡ ኡሰይደ ኡልሳ ተ። እለ መድረሰት ቦዮት ሐዲስ ወኡጀደዶት ለወዴት ዲባመ ህታ ተ።

ከረ ዶክተር ሀብተጼን ህዩ፡



ምን ደላት ምህር ሕጁባም

ወራቅ ብረይል እት ካርጅ ቃለ ሰበት ቲ እንዴ ትዛበው ዲብ ለኡመጽኦ እግልኩ፡ መሕበር 'ሱኬ' ምን መደት ንዳል እንዴ ኡንብተ መሰኒ ሸዕብ ኡረትርዮ ሰበት ቲ፡ እግል እሎም ሕጁባም ለትፈናቲት ሰዳይት ቀድሞ ወመጦርን ባጥራም ቶም። እትለ ኡክትብት ብረይል እንሰር እንጠቤዕ ዲብ ለህሌን መደት ኡዜመ ምን ገብእ፡ 24 ሸሓን ለበ ጣቀት ጸሓይ ወ18 በጣርዮት ዐባይ ናይ ከዚን ጣቀት ለትብረወው እግልን እት ሰዊዘርላንድ ለመርከዞም መሕበር 'ሱኬ' ቶም። ሰበት እለ፡ እብ ፈድሎም ዮመቲ ክድመት ጣቀት ጸሓይ (ሰላር) እግል 24 ሳዕት ህሉት እግልን" እት ልብል ሸሬሕ።

ሰበት እለ፡ መድረሰት ኡብረሀ በህተ እት ረዩም ባካት ለህለ ሸዕብን እንዴ ኡመረዮ፡ ኩሎም ሕጁባም እግል ለኡድርስ ዲብ ክስትት ለህሌት ሰበት ተ፡ ለኡሰድዮ መዋጥን ልግበእ ወመሓብር ኡህለ።

ለኡትበጸሐ ተሐዲ ላኪን ህለ። እት ምር ፈሰል 10 ሕጁብ ኡድረሶት በህለት፡ ኡክስ 60 ሕዩም ደረሰ ዲብ ኡር ፈሰል ኡድረሶት ቲ ለልትዐለብ። ለሕዩም 60 ደረሳይ እብ ሰዳይት ሰቡረት፡ እት ሐቲ ኡትት እግል ተኡድርሶም ትቀድር። ላኪን፡ 10 ሕጁብ እብ ኡርኡርት ኡድረሶት፡ ሐበርት ወረብዮት ለሐዘኩ። እለ ዲብ ኩሎም ለዐሰር እግል ተኡትግጹሕ ወክድ ወሐለት ለልኡባዴ ወለሐዜ ቲ።

ዲብ ኡድረሶት ሕጁብ፡ ለሕጁብ እተ ምግላዩ እንዴ ገሰካሁ፡ ጽብጠት ወፈሀም ብረይል እግል ትጅለብ እቲ ብኩ። እግል ሐቲ ምን ሕጁባም፡ ኡቅርኡት እብ ኡሜቤዕ እግል ተኡርእዮ/ዩ ለከሰኡ ወቅት ሐድ ኡኩን። "ሰበት እለ፡ ብዘሐ ደረሰ እት ኡር ፈሰል፡ ምሸክለት ጋብእ እትኅ ህለ፡ እግል 112 ደረሳይ እተ እሎም ብከ ሰባ ፈሰል ካፈልካህም ምን ገብእ፡ ለዐደዶም እት ኡርት ፈሰል፡ ምሰዐል 10 ቲ ለመጽኦ" ልብል መምህር ገብሬ አዘጋብሄር።

መድረሰት ኡብረሀ በህተ፡ ኡካን ረኡብ ሰበት ቤ ኡፍሱል ትወሰክ ዲብ ምን ገብእ፡ እግል ሕጁባም መዋጥኒን ኡረትርዮ ለትሀይቡ ክዳማት እግል ለዚድ ቀድር። እትለ መደት ጎኑ ምን ገጽ ኡሰቦሕ ኡካዳማ፡ ምን ገጽ ምሴ ህዩ፡ እግል ደረሳህ ከኡ፡ እግል ልትሐረት ክም ቦም እት ኡድረሶት ኡብሳር ሐረክት፡ ወራት ኡምዕላይት መንበረት



መምህር ገብሬአዘጋብሄር ገብሬዩሰ

(ADL)፡ ወብዕድ ዲብ ኡትቃላል መናበራቶም ለሰድዮም ወራታት እብ ፍዕል ደርሶ።

መድረሰት ኡብረሀ በህተ፡ ሸዕብት ኡዳለዮት ኡላት ምህር ቤ። እትለ ቅሰም እለ፡ ምን ካርጅ ለመጽኦ መደርሲን እግል ሕጁባም ለልኡደርሶ እቡ ሞዴላት፡ ፖስተራት ክቲብ፡ ሰወር ወሕፋፋት፡ ክምሰልሁመ እት እንሰር ቀበት ዐድ ለትዳለ እግል ወራት ደረሰ ወኡድረሶት ለሰዴ ኡላት ልትዳሌ።

እተ መድረሰት ቅሰም ክደጠት ልባሰመ ህለ። እለ ፍርዕ እለ፡ ለትሸጠጠ ልባሰ ደረሰ ሻፍጥ፡ ለፈይሐ ለኡጨብብ ወጀዲድ ልባሰመ ክይጥ ክልኡለብሎም። እት ረኡሎም፡ ለሕጁባም ኡልባሰም ጀላብ እግል ኡልልቡሶ፡ ዓላብ ወኡሻይር ፍንቲይ እተ ልባሰም ሸፍጠ እሎም ክምርትክ ናዩ ልባሰ እንዴ ፈረገ ክም ለብሰ ወድዮ። ለከይጠ ዲብ ህዩ ኡንሰ ተን።

እት ብዕደት መድረሰት ለኡህለ፡ ምናተ ዲብ ኡብረሀ በህተ ሌጠ ለእንረክቡ ቅሰም ኡፍረዮት ብረይል (Brail Production Room) ህለ። እለ ቅሰም እለ፡ ኩሉ እግል ሕጁባም ምን መኡንብታይት ኡሰክ ደረጀት ኩልዮት በጽሐ ለልኡትሐዘዮም ኡክትብት ለጠቤዕ እሎም ሰኒ ምህም ፍርዕ ናይለ መድረሰት ቲ። "ኡለን እት ቅሰም ብረይል ሸቅዩ ለህለዩ ሰብ ምህን፡ ምን መደት ንዳል እትለ ቅሰም እት ሸቅዩ ሰበት ጸንሐዩ፡ እግልን ለበድል ኡዳም እንዴ ይእንረክብ፡ እብር እንዴ ዐረ እበን እግል ኡልብጠረ ኡሰፍ ብዩ" ልብል መምህር ገብሬአዘጋብሄር።

ለመድረሰት ደረሳህ እግል ኡልሐመጥ፡ እት ቀበተ ሐቲ ዕደደት ቤ፡ ክልኡት ሐኪም ናይ ላሊ ወኡደሐ ለታብዮ ህለው እሎም። መኪኒት እሰዓፍመ ህሉት እሎም። ከፈቲርዮት ብለዕ፡ ሐማማት ወሸቃቃት፡ ክምሰልሁመ ሚዳን ኩረት እዴ።



እብ ክሱስ ክርን ገቢል ሚ ተአምሮ?



1ኛ ስትድዮ ክርን ገቢል ዲብ ሳሕል

- ክርን ገቢል እብ 10 ህግዮ በህለት ትግራይ፣ ዐረቢ፣ ብሊን፣ ብዳውዮት፣ ትግርኛ፣ ሳህ፣ ዐፈር፣ ኩናማ፣ ናራ፣ ወአምሐርኛ እብ ሞጀት ምግባይት ወሞጀት ሐጫር ትጠልቅ እት ህሌት፣ ዲብ ኤፍ.ኤም በህለት ፊድዮ ዘረ ወኑመ ህይ፣ በራምጅ ፍንቱይ፣ ለለሐብር፣ ለለአደርስ ወለለአትፋንዕ በራምጅ ትቀድም። ከእሊ ሀገሊት እሊ ሚ ዶል ወእተዮ ተአንበተ ገብእ?

ዮም 1 ጃንዋሪ 1979 ዲብ ፋሕ አንበተት። ለአኑብተ እንዴ ህለዮ ህይ፣ ክልኢተን ሀገሊት ክል ምንንክ ናይ 15 ደቂቀት ወቅት ሌጠ ዐለ እግለ።
- ሐቆ አርት ወሬሕ ምን እንባተተ፣ ዲብ ዮም 6 ፊብርዋሪ ሰነት 1979 በርናምጅ ህግዮ አምሐርኛ አንበተ።
- ሐቆ 10 አምዕል ህይ በህለት ዲብ ዮም 16 ፊብርዋሪ ሰነት 1979 እብ ህግዮ ዐፈር ሀገሊት ትግርኛ ወዐረቢ እት

እት ሐያተነ እግል ንራቅቡ ለእንቀድር መዋዳዕ
እት ሐያተነ ብዙሕ መዋዳዕ ልትርኤ። ምን እሊ እብ መትብጋስ ህይ እት ክልኤ እግል ንክፈሉ እንቀድር። ምን ጠቀትነ ወመቅደረትነ ወኬን እግል ንራቅቡ ለይእንቀድር። ገሌ ህይ እብ ቀላል ገበይ እት ሐን መራቀብት እግል ንአትዮ ለእንቀድር።
አፍካርነ፣ እግል ንሕሰቡ ለእንቀድር መዋዳዕ እግል ንራቅቡ ለእንቀድር። እግል ንሕሰብ እቱ ወእግል ኢንሕሰብ እቱ ወጅብነ እግል ንፈርግ ብዙ። ሰበቡ ለእንወድዮ ወለንትሃገዮ ነቲጀት አፍካርነ ሰበትቱ። ለበዝሐ ወክድ ህይ እጃቢ ዶል ገብእ ልትሐሬ። እግልሚ እንፈክር ወለ ፈክርናሁ እግል ንራቅቡ ቀደርነ ምንገብእ ዕወታም ወፋርሓም እግል ንግበእ ለአቀድረነ።
ወክድነ፣ ለበዝሐ ወክድነ ዲብ ሚ ነሓልፋ እግል ነአምር ወጅብነ። እግል መን እንተሉ፣ ምሰል መን ንትሃጀክ፣ ሚ ለመሰል በርናምጅ ንተበዕ፣ ሚ ለመሰል ክታብ እንቀርእ። እሊ ክሉ እግል ንራቅቡ ቀደርነ ምንገብእ ዲብ ሐያተነ ሙንትጀት እግል ንግበእ ዐቢ መቅደራት ህለ።
እት ርሕነ ለህለ እግልነ ወጅሁት ዝር። ብዕዳም አንፋር እብ ሰበትነ ለልሐሰቡ እግል ንራቅቡ ይእንቀድር። ክል ነፈር እብ ለትፈናተ መናሰባት እግል ልርኤነ ቀድር። ለምህም ላኪን ሕነ እግል ርሕነ ከአፎ እንርእዮ ቱ። ሰበት እሊ ዲብ ነፍሰነ ለህለ እግልነ ወጅሁት ዝር እግል ንራቅቡ ወጅብነ። ክምሰልሁ መ ሰቀት እት ነፍሰነ እግል ተህሌ እግልነ ለሰትህል።
አደብ፣ እት ክል አምዕላይ አምርነ፣ ፈዛዓትነ ክምሰልሁ መ እተይነ እግል ዓበዮት፣ እግል ንሸቀዮ ወንትዐለሙ ለብነ መዋዳዕ እግል ንራቅቡ እግል ንቅደር ህለ እግልነ። ዲብ ሐቱ ላሊ ለልትዐወት ነፈር ሰበት ኢህለ። ክል አምዕልተ ከእንዴ ተረድነ እግል ንሸቀ አንበትነ ምንገብእ ላኪን ክም ንትዐወት ሸክ ኢንወዳ።
በርናምጅ፣ እት ናይ ክል አምዕል ነሻጣትነ በርናምጅ ዶል ለህሌ እግልነ ዲብ ለእንሸቀዮ እብ አማን ነቲጀት እግል ነአምጽእ እንቀድር። እሊ ህይ ክም ለመድ እግል ነአሰብቁ እንቀድር። እት ክል አምዕል ለእንሸቀዮ መዋዳዕ እብ ህይ ፈርሓኒን እንገብእ።
አግቡይ ጽብጠትነ እግል ብዕዳም አንፋር፣ አዳም እግልነ ከአፎ ጽብጠት እግል ንራቅቡ ይእንቀድር። ሕነ ላኪን እግል ብዕዳም አንፋር ለሐሰ አግቡይ እግል ንጽበጦም እግል ንቅደር ወጅብነ።
አግቡይ ነብራነ፣ ለእንበልዑ ነበራት ዶል እንራቅቡ ለሐሰ ሐያት ወዓፍዮት ገርብ ወዐቅል እግል ንርከብ እንቀድር።

አክባር ወበርናምጅ እግል ትጠለቅ አንበተት።
- ዲብ ዮም 18 አገሰት ሰነት 1979 ህግዮ ትግራይት አንበተት።
- ዲብ ዮም 16 አክቶበር ሰነት 1987 በርናምጅ ህግዮ ኩናማ አስተብዳት።
- ዲብ ዮም 6 ጃላይ ሰነት 1998 ህግዮ ብሊን አንበተት።
- ወዲብ ዮም 7 ጃላይ ሰነት 1998 ህይ ህግዮ ሳህ አንበተዮ።
- እት ወሬሕ ማርስ ሰነት 2000፣ እብ ምግባይ ወ ሐጨር ሞጀት ሌግ ልትሐላለፍ ለዐለ በራምጅ፣ እብ ኤፍ.ኤም እግል ተአትሐላለፍ አንበተት፣ እት መደት ለሃቱ ህይ ፊድዮ ዘረ ለትወለደት።
- አሰር እሊ ህይ፣ ህግዮ ብዳውዮት ዲብ ዮም 24 ማዮ ሰነት 2001 ምሰል መናሰብት 10ይ ሰነት



ስትድዮ ክርን ገቢል ዲብ አሰመራ

ዝክረት ዒድ ሕርየት ኤራትርዮ ጠለቀት በራምጅ አንበተት።
- ከክርን ገቢል ኤራትራ፣ እብ ኩሉ ሀገሊት ቀምያት ዐድነ፣ አክባር ወለትፈናተ በራምጅ እግል ተአትሐላለፍ ቀዲራ፣ ወላዲት ክምሰልተ ለለአክድ እግልነ፣ እሰባት ቱ።

ድግ ቡን እት ሰራይ እግል ልውዐል ክም ቀድር ተሐበረ

በሕሰን ጃምዐት ቱክሳሴ፣ እት ድግ ቡን ለልትረከብ እግል ሴላት ሐንገል ዲብ እንዴ ተሐፈዘ ዲብ ሳሪዮት ወዳፍዮት መሻክል አሰራር እግል ልውዐል ክም ቀድር ሐበረው።

ለበሕሰን እሊ ለዲብ ድግ ቡን ለልትረከብ 'ካርቦን ኔንትሞ' ዶትሰ' ለልትባህል እግል ሴላት ሐንገል ምን መደረት ልትሐፈዘ፣ እቱ እት ህለ ሕግም መትረሰየት ፓርኪንጎን እግል ልዳፊዕ ወልሳራ ክም ቀድር ሸርሐው።

እብ ቢልዮን ለልትዐለብ ብዝሐ ሸዑብ ናይ አሰራር (ዓሳብ) መሻክል ለሰብብ ሕግም ክም መትረሰየት፣ ፓርኪንጎን ሃንቲንግተን እት ልትጀረስ ልትረከብ፣ መሻክል አሰራር ሴላት ሐንገል ምን ሸቅል በረ ዶል ገብእ ለመጽእ ሕግም እት ገብእ ዲብ መትሐራክ፣ መትሃጋይ፣ ለትፈናተ ናይ ገርብ ወዐቅል ነሻጣት መሻክል ክም ለአመጽእ ልትሸራሕ፣ እብ ደረጀት እዲነ እብሊ መሻክል እሊ ለልትደም አንፋር እግል ራዐዮት አምአት ቢልዮናት ዶላር ክም ፈግር ተቃሪር ለአሸር።

ህቶም እሊ ምን ድግ ቡን እግል ለአፍጉሩ ቃድራም ለህለው እግል ሴላት ሐንገል ምን እብ ከረሾት፣ ዕምር፣ ወለትፈናተ ዳራይ ኪማእያት እቡ እግል ልምጸእ ለቀድር ሕግም አሰራር ክም ዳፍዕ ሐበረው። እሊ ምን ድግ ቡን ለልትረከብ እት ፈረጎት ሰራይ፣ ለአሰክ እሊ ደዋ ርኩብ እግሉ ለኢህለ ክም መበገሲ እግል ልግበእ ክም ቀድር እንዴ አትለው ወደሐው። እተ እት መርከዝ ብሕሰ ለገብእ ናይ ጀርቤ ድራሳት፣ ሴላት ሐንገል ልግበእ ወአሰራር አሰክ፣ ገርብ እብ ለልኣቱ ምን ከደን ለመጽእ ዳራይ ኪማእያት መሻክል ለሰብብ፣ ለምን ድግ ቡን ለልትረከብ እግል ልዳፍዕ ወልሳራ ክም ረአው ለበሕሰን ሸርሐው። እሊ ሰልቢ ጃንብ ለኢትረከብ ዲብ ልሳዕ እት አዳም ጀርቤ ጋብእ እግሉ ለኢህለ ብሕሰ፣ እብሊ ለገብእ ሳሪዮት እብ ዝያድ ዲብ አሻይር መሻክል አሰራር ለኢደቀብ ዲቦም አንፋር እግል ለአድሚዕ ክም ቀድር ቶም ለሐብር ለህለው።

እሎም ባሕሰን እግል እሊ ምን ድግ ቡን ርኩብ ለህለ ዲብ ድዋር ለደርር አግቡይ ክም አለቡ ሸርሐው። ህቶም እንዴ አትለው፣ ለትደቀቀት ቡን እግል አርባዕ ሳዖታት ዲብ 200 ዲግራ ሰንቲግራይድ እንዴ አብሸለው፣ እግል ለልትሐዝዮም እግል ልርኩብ ክም ቀድረው ወደሐው። እብ ክሉ ጃንብ አተላለዮት ክም ለትሸራሕ ሰራይ ዲብ ዐመል እግል ልውዐል ለለቀድር ድሙን አግቡይ እግል አዋፍሐት ህይ ሸቁ ክም ህለው አትአመረው።

ሳድስ ወራር እብ ካርቱን

